

地志  
139  
新



沔陽州志

古墓	橋梁	隄防	建置志	第三本
	古蹟	閘壩	鄉鎮	



沔陽州志卷

建置志

鄉鎮

自周禮有鄩長市司之設而一鄉一鎮皆得以質劑平民裕貨源而通有無沔地大物侈四鄉碁布星羅而又南濱大江北控廣漢商賈輻輳往來殷繁百貨殫鬻鄉鎮之多甲於鄰境朝廷設有鄉約里正以編保甲而稽賦冊亦大小相維內外相制之一端也志鄉鎮

東鄉

印家場距州十里

濱州河

沔陽州志卷三 建置 鄉鎮

一

汪家壩距州十三里

濱州河

郭家河距州十五里

濱州河

窰上距州十餘里

濱州河

埠灣距州十餘里

濱州河

新門口距州十餘里

州城府距州二十餘里

白廟距州二十餘里

馬口距州二十餘里

楊樹峰距州五十餘里

以上濱州小河

馬安鎮距州四十餘里

濱州河支河



邵家河距州二十里濱州河

張家溝距州三十里濱州河

鳳凰臺距州三十餘里濱玉帶河

接陽距州三十八里濱州河

三江口通志作孫江口距州四十五里濱州河

老里云口距州五十里濱通順河

里云口距州五十里濱通順河

王市口距州五十八里濱通順河

彭家場距州六十里濱通順河先年為白泥湖乾隆四年始興集

唐嘴距州七十二里濱通順河

泗陽州志卷二建置鄉鎮

尤拔距州七十五里濱通順河

太陽腦距州九十里濱通順河

沙湖距州一百零五里濱通順河紀要州東一百五十里誤為人江扼要薨魚

之饒甲楚中負販者多以此致富通志

何家場距州七十五里濱四方河

余家場距州八十五里濱四方河

王家場距州九十餘里濱四方河

杜家窰距州百餘里濱四方河

何家口距州百餘里濱小襄河

西流河距州百餘里濱小襄河



何家幫距州百餘里濱小襄河

南鄉

小沙口距州五十餘里

三官殿距州四十里與監利界

洪山廟距州六十餘里

豆口距州六十里與監利界

戴家場距州四十餘里

柴林河距州四十餘里

北口距州三十里與監利界

蓮子口距州十餘里

沔陽州志卷三 建置鄉鎮

柳口距州十餘里

謝仁口距州二十里北口至此濱玉帶河

府場距州三十里

淨土菴距州二十餘里

曹家嘴距州三十里

余家場距州二十餘里

武家場距州三十里

定家洲距州四十里

土京口唐嘴距州四十餘里

峰口距州四十五里以上濱易家河



簡家口距州五十五里

黃絲垸距州六十里

登臺口距州六十里

保字號距州七十里

槎頭湖距州七十餘里

白有灣距州七十餘里

汭河口距州八十里

掛嘴距州八十餘里

大峰口距州九十里

小港距州九十餘里

泗陽州志

卷三

建置

四

楊家嘴距州百餘里

密灣距州八十餘里

蓮子磯距州九十餘里

以上濱易家河南折支河

老溝距州六十里

徐家口距州六十餘里

鄭道湖距州七十五里

新塲距州七十餘里

壩潭距州九十里

官塘湖距州百餘里

吳家剝距州百餘里



漢陽溝距州百餘里 以上濱中府河

平坊距州百餘里

新隄鎮距州百二十餘里 濱臨大江帆檣雲擁 為河南重鎮

張問陶新隄舟夜詩六詔親庭遠三巴歸路長全家寄江漢

獨客近瀟湘天與無梗蒂人誰足稻梁牢愁爭萬古慷慨意

難忘 國朝李長康詩新隄野渡坐黃昏遠近漁燈隔岸生

蟻聚茅蓬方苦雨秋成禾黍少呼庚七年奏凱風偏競千里

孤帆月正明莫畏洞庭波浪急嗷嗷鴻雁半南行 劉揆詩

鼓世晨光裏灣環一港通林鳩猶喚雨檣燕欲凌風帆影江

煙外人家水氣中誰憐桃李樹如雪吐晴空靚纛 劉鴻

庚登新隄澄瀾樓詩十二年前暫典州曾無暇日快登樓此

來江水生江漢試倚欄干瞰斗牛波起洞庭皆北泛雪

消巴蜀盡東流尚書砥柱功勳在祇冀修防處處周

呂蒙口距州百二十餘里 濱江相傳呂蒙駐兵於此

新穴口距州七十里

水晶港距州九十餘里

龍家墩距州百餘里

鍋底灣距州百二十里

黃蓬山距州百餘里 以上濱艾家河

西鄉

唐家口距州十里 濱州河

紅廟距州十二里 濱支河

於家渡距州七里 濱州河

官路距州四里 濱州河王靜田卜地為市名義興場

湖口距州三里 或作西河濱州河



童海口距州十五里或作通海口濱州河

陳河壩距州十八里姚老湖開濱州河

小河口距州二十五里濱州河

陳家場距州三十餘里在干倉院南

潘家場距州三十餘里濱州河

楊家場距州五十里濱州河

唐家場距州五十餘里在九合院北

段家場距州六十五里更名得勝場濱州河 吳致道記得勝場古段家場也咸豐

甲寅粵賊竄沔荆州左都統魁人以此告都統愀然曰段音近斷於行軍非宜盍錫以嘉名乎土人以沿稱難之都統曰若不聞情盡橋改折柳林宗亭改墊巾浩然亭改孟亭乎自古名勝猶有更易况區區市集而

沔陽州志 卷三 建置 六

何拘為父老善其議僉曰諾遂改為得勝場自時厥後官軍之敵愾鄉勇之果毅倍勝疇昔披堅執銳戮力一心賊望風而靡不戰而沔城勝矣已而戰仙鎮勝戰沙湖沙嘴迭勝沔境肅清殆亦得勝之名兆之與余嘗聞天定勝人人定亦勝天 國家承平數百年人不知兵赭寇揭竿斬木起自一隅而荼毒生靈數百萬蹂躪天下殆半燎原之勢詎易撲滅官左胡諸大帥忠義激發志消逆賊羣帥如都統輩均能摧鋒陷陣廓清醜虜而紳民守助亦爭芟夷恐後遂能安清海宇共慶更生斯豈非人定勝天之明驗歟寇平之數歲歲在戊寅市人積貲購石治街衢陂者平殘者補商賈藏市行旅悅途以為民物康阜獲此定宇者皆都統勝賊之賜也不可以無述致道於是次其事而為之說

坡子場在段家場南岸更名復勝場

中溝距州七十餘里濱州河

劉家場距州九十里濱州河上潛屬下沔屬

祀子壩距州百里許潛沔分界處



謝家場距州七十餘里濱恩江河

夏家場距州四十五里在南洲坑

東家別距州六十里許

磚子埠距州五十餘里

范漑關距州五十里

別河距州五十餘里

熊官渡距州五十餘里以上濱洛江河

毛家場距州七十餘里濱通順河

三伏潭距州五十餘里濱通順河

採桑距州十八里

沔陽州志卷三建置鄉鎮

復興場距州十五里

夏家橋距州十五里以上濱永長河

北鄉

張家場距州三十餘里濱紅廟支河

夏家埠頭距州四十餘里

鄭家場距州四十餘里

胡家場距州五十里

袁家口距州五十餘里以上濱通順河

鄒劉家場距州四十餘里

朱家場距州四十餘里



上下麻港距州三十餘里以上濱洛江河

多祥河距州六十里濱襄河上天門下沔陽

仙桃鎮距州六十里濱襄河水陸要衝人物殷富與沙湖新

隄為沔三大鎮通志劉鴻庚仙鎮舟次詩水逢瓜蔓漲連

吹落是何年市廛空訪神仙述道路猶稱刺史賢欲為生民

資保障直須百萬費金錢洪良品仙桃鎮詩森森仙桃鎮

悠悠長夏河路從鄖口轉山入郢中多古寺藏紅樹荒村帶

白波誰人歌水調煙外掛漁蓑又沔陽舟中即目詩春漲

綠於煙春鷗傍客眼雲開鹿門樹月滿蚌湖船野

岸沙成市漁村水作田悠悠垂釣者終日古溪邊

鄖家灣距州七十里

鷄鳴場距州八十餘里

劉嘴距州百餘里以上濱襄河

沔陽州志卷二建置鄉鎮

麥旺嘴距州百二十餘里濱襄河通志劉鴻庚詩暮樹蟬

漢河隄相接水合沱潛漲易浮冷落街衢無大賈飄

零牆屋有危樓誰能保障籌長策只望安瀾到九秋

南河距州百十餘里濱牛啼河

高脚廟距州百十餘里濱牛啼河

長埭口距州百餘里濱小襄河

下查埠距州百里許濱小襄河

敦厚巷距州百餘里北折小襄河

周家幫距州百二十餘里北折小襄河

白公湖距州百里許濱南折小襄河

太峰口距州百二十里北折小襄河與漢川界



大埠街距州百二十里

濱展翅河

匡家集距州百二十餘里

濱展翅河

許家口距州百里許

濱南折小襄河

沔陽州志

卷三 建置

鄉鎮

九



隄防

周官重溝遂之制齊桓申曲防之禁鄰國爲壑仁人所惡也然修疏並舉自漢書溝洫志以來相沿已久沔處江漢合流之地稱爲澤國每值春夏時漲漫軒波巨浪一望彌天所恃以砥柱中流者隄防耳官斯土者利賴民生變斥鹵成沃腴化魚鱉作稻梁增高培厚其尤今日之要務乎志隄防

童承叙曰楚北當江漢之衝其流俱至雲夢而合地窪水瀦故爲巨澤當堯之時洪水橫流禹治水荊州導漢過三澨至於大別導江過九江至於東陵沱潛旣道然後雲土夢作又沔陽州志

卷三

建置

隄防

十

傳言水落而土見可耕治也周官職方氏荊州之藪曰雲夢傳言司馬相如賦子虛稱楚有七澤其一澤方九百里此皆作乂之餘至周迄漢猶爲藪澤杜預曰雲夢跨江南北胡三省曰雲夢甚廣後世悉爲邑居聚落則易藪澤爲墳壤矣蓋漢水最濁漢書云河水一石而六斗泥涇水一石其泥數斗漢水之泥亦不啻是每與江水合其滓必澄故常填淤而沮澤之區因成沃野南宋張興世居沔臨水門前忽生洲嶼大數十項是一證也惟江清不易淤然荊州記江陵初有九十九洲後其洲滿百則江亦有時而淤蓋所謂土作乂者其由來久矣故沔居澤中土唯塗泥而竟陵雲杜頗多高印之田



民漸芟剔墾爲阡陌然江溢則沒東南漢溢則沒西北江漢並溢則洞庭沔湖滙爲巨壑雖堯橫流之時禹未導之日不是過也故民田必因地高下修隄防障之大者輪廣數十里小者十餘里謂之曰院如是者百餘區其不可隄者悉棄爲萊蕪萊蕪之地常多於院漢賈讓曰內黃界中有澤方十里環之有隄防民起廬舍於其中東郡白馬黎陽故大隄皆數重民居其閒其制頗與院同蓋自昔已然矣漢唐以來沔隄修廢無所於考五代時高季興節度荆南築隄以障漢水自荆絲麻山至潛江延亘百三十里因名高氏隄恭冕按宋文史時蠻寇太甚水陸梗礙文帝停大隄不得進見帝爲離州刺史書沈慶之傳則宋時已有漢隄非始五代矣而江隄亦

沔陽州志

卷二

建置

隄防

十一

自監利東接漢陽長百數十里不知何時所築名長官隄沔皆賴焉宋乾道七年湖北漕臣李燾請修江陵潛江里社虎渡二隄詔明年修築紹興二十八年監察御史郁民望言江陵東沿江北岸古隄名曰黃潭建炎閒邑官開決引江水爲險阻以禦盜旣而夏潦漲荆南復州千餘里皆被其害近因民訴始塞之乞命縣官隨力修補從之元季沔承兵燹之餘人物彫謝土地荒穢明興江漢旣平民稍墾田修隄是時法禁明白人力齊一隄防堅厚河湖深廣又院少地曠水至卽漫衍有所停洩賈讓所謂巨川無防小水得人陂障卑下以爲汙澤使秋水多得所休息左右游波寬緩而不迫是也故



自洪武迄成化初水患頗甯其後佃民估客日益萃聚闢田隙土易於構致稍稍墾闢歲月寢久因攘爲業又湖田未嘗稅畝或田連數十里而租不數斛客民利之多瀕河爲隄以自固家富力強則又增修之民田稅多徭重丁口單寡其隄壞者多不能復修雖院必有長以統丁夫主修葺然法久蔽滋修或不以時故土未堅實丁夫或非其數故工尙鹵莽夫院益多水益迫客隄益高主隄益卑故水至不得寬緩湍怒迅激勢必衝嚙主隄先受其害由是言之客非唯侵利且貽之害也然大水驟至汎溢洶湧主客之院皆爲波濤雖曰主害亦非客便也故漢書曰左隄強則右隄弱左右俱強則下

方傷其謂此與賈讓曰隄防之作近起戰國壅防百川以自利齊與趙魏以河爲境趙魏瀕山齊地卑下作隄去河二十五里河水東抵齊隄則西泛趙魏趙魏亦爲隄去河二十五里雖非其正水尙有所遊蕩時至而去則填淤肥美民耕田之或久無害稍成室宅遂成聚落時至漂沒則更起隄防以自救稍去其城郭排水澤而居湛溺自其宜也其事頗類於沔成化十年弘治十三年正德十一年十二年江漢並漲隄防悉沉於淵民皆乘舟入城市淺者爲棧深者如巢飄風別雨長波巨浪煙火斷絕哀號相聞湛溺死者動以千數不特田廬漂沒而已此則民救死而不免也何有於隄防哉其後



都御史秦金布政司周季鳳以江水常決監利之車木隄漢水常決潛江之班家隄俱修之其丈以千百計然未能高堅水至卽崩弛嘉靖三年知州儲洵博知利病廼上書曰臣聞禦患不救其源則勞於爲役而弊壞日甚計大事或惜其小則功未及成而並棄其初未有慮之不深圖之不固而能興可大可久之利者也臣待罪沔陽伏見其地南臨大江北枕襄河西南二百里至監利西北二百里至潛江北二百里至竟陵東北二百里至漢川地勢卑窪湖泊相連正係漢水下流原無岡阜障蔽諸水奔赴若就大河民田唯土築圩院防衛耕種成化弘治閒湖水深廣隄防堅固雖遇江漢水發易

沔陽州志

卷三

建置

隄防

三

於防洩爲害未深自正德十二年大水泛溢南北江襄大隄衝崩湖河淤淺水道閉塞院塹倒塌田地荒蕪卽今十數年來水患無歲無之上厯聖慮曲荷拯援賑貸蠲租恩至渥矣臣唯重厚之澤豈宜屢覲而思患預防尤貴及時且江漢之水每夏秋之交鮮不溢發使沿江之地漫無防護徒於諸院小小補塞則高水湍悍勢若土崩至則衝突何功之有臣聞南自監利車木隄水口衝塌每遇川江水發不唯其縣受害而沔陽厚峰茅埠凡一十六村熊家漢潭凡四十餘院稅糧八千餘石高低滄沒尺寸不堪耕種自潛江排沙頭班家灣新開便河及沔陽石牌舖諸處水口衝塌每遇漢襄水則潛



江竟陵二縣沔陽深江西范二十七村蓮河柘樹七十餘院  
稅糧一萬五千餘石亦無尺土耕種加以房屋漂流牲畜溺  
死巢居野處動經時月束手就斃言之痛心前隄雖屢經撫  
按遣官修築但地方廣遠工力繁巨增卑培薄易就傾瀉以  
臣觀之大患之後弊壞已極使非建補天之功而欲禦建瓴  
之勢吾民不爲魚鼈鮮矣伏望聖慈軫念生民憂患勅下戶  
部察照蘇松修舉水利故事轉行湖廣撫按並提督水利諸  
臣酌量計議遣官隨地相度大江則自監利而下以及沔陽  
襄河則自安陸而下以至漢口大約俱不過三百里之地沿  
邊隄岸何處可以仍舊何處可以增修如車木隄排沙頭班

沔陽州志

卷三

建置

隄防

西

家灣潛江新河諸處尤爲上流利害切要之地若舊隄不堪  
繕整容士卒難堅固則移入近裏或數百步或半里許度地  
形之高卑驗水勢之緩急創築新隄委曲延袤使高厚堅完  
水堪蔽障雖遇水發不致衝漫如遇有糧田土勘實奏免非  
可虛當勞費至如漢人治河之下策斯善矣然修築事宜工  
力頗繁卽今民窮財盡若復越外取給則患未及除而首先  
受弊益其狼狽爾臣請察撥均州香錢或借支司庫官銀或  
將沔陽監利潛江竟陵起運稅糧每石連耗徵銀壹兩比照  
災傷之例免解本色每石漕銀陸錢解京其餘扣留在官以  
備僱募工食之費仍候秋冬農隙每州縣起夫各數百名併



力修築量支口糧卽允賑給庶公私兼舉力役易完從前沮  
如盡成膏腴稅糧有資耕治不費方千里之民受無窮之利  
轉災爲福端在此矣臣又聞之宋臣張綸之爲發運也以通  
泰海州皆瀕海潮水日至城下土田斥鹵不堪稼穡請築捍  
海隄於三州之境長數百里以衛民田朝議從之踰年堰成  
不唯當時民享其利至今通泰近海迄無風波之患其利溥  
矣况今所奏比之捍海之役其易十倍工力之費視一年蠲  
免與內帑出給之數纔十之三四而已記曰利不十不變法  
况法不必變而受利十倍寧忍坐視患害而莫之救哉疏入  
下撫按舉行洵遷官去四年都御史黃衷合藩臬諸臣議以

沔陽州志

卷三

建置

隄防

五

工大費冗且時已迫促難盡舉辦按察副史劉士元建議龍  
淵而下凡九區爲要衝宜先舉事遣斷事艾洪董其役益以  
滄浪而下凡五區於是龍淵花墳牛埠竹林西流平放水洪  
茅埠玉沙濱江者爲隄統萬有餘丈大小朱家岡子滄浪南  
池濱漢者爲隄統幾萬丈於是洵之策雖未盡行而江漢頗  
有所捍民困稍蘇矣

以上均童庶子隄防志略

至嘉靖四年夏四月江溢

至於六月五月漢溢至於七月皆不爲災

童承敘記案禹貢江出岷漾出嶓爲

漢漢東流爲沔皆瀦於荆沔陽荊州域也桑欽水經稱沔出武都沮縣東狼谷中流注漢則漢沔又異源而同流沔逕江夏雲杜縣夏水注之今竟陵有雲杜城蔡傳亦云夏出江入沔故沔江漢之沱潛雲夢之沮澤也然西南皆濱江江至荆實滙眾流如沅澧瀟湘每溢則橫潰漫衍頗清而後落其浸沔又不啻岷出者漢則歲常六七至最濁而落早故沔卑濕



下鹵大澤重湖民田則為環隄日院院且百有餘區江溢則  
害西南漢溢則害東北合則浸及四境重以剽風劇雨之所  
剝長鯨巨鼉之所嚙故洊飢焉自正德丙子之阨墜埒於弛  
民至今艱食乃嘉靖甲申前知州儲洵請於上游為隄障之  
明年巡撫都御史黃公子和自滇入鎮於楚問民病瘠知河  
歲苦浸即首舉斯役而下按察副史劉公伯儒所覈於布政  
使徐公子積副史程公時言僉議龍淵而下凡九區為要衝  
請先圖之命給司藏千金於沔而中分於竟陵遣斷事艾君  
洪董其役君至復上狀附以滄浪而下凡五區時知州陳君  
頤判官王君濱協力祇承乃遴敦事之官募執役之夫持畚  
是指揮使洪君恩偕其僚佐亦各事事其地經畫既審揀度  
咸作決者堙凹者墳瘠者培凡龍淵花墳牛埠竹林西流平  
放茅埠永洪玉沙濱江者為隄統萬有千丈大小朱家岡子  
滄浪南池濱漢者為隄幾萬丈高廣咸視其地而諸院之廢  
缺民不勸而葺者又統數十區婁中而肇事翼中而告成蜿  
蜒崇隆如陵如阜原隰昫昫疆場斷斷岷然誠足以捍矣明  
年丙戌民既舉趾嘉苗盈疇夏四月江溢至於六月五月漢  
溢六月連溢加盈焉七月復溢如初沔賴以完而百穀用登  
黎民胥說獲者歌之擔者和之嬉嬉如也融融如也諸吏民

沔陽州志 卷三 建置 隄防 夫

因伐石請記以昭公德於弗朽史氏叙曰傳稱以佚道使民  
皆以其利利之爾已夫古者不防川以豐物也然民昏墊則  
乘載治之矧功約而利溥勞近而施速又所謂費而不惠者  
耶廩人告竭征權日至長民者不為之所而徒咎其慢是絕  
脛而驅之前已役也可不謂崇本乎在詩粒我蒸民中丞  
有焉爰始爰謀憲副有焉周爰執事諸君有焉某不佞敬識  
之既考其成因 九年漢水決拖船埠沔西北境遂為巨浸知  
以諗夫來者

州曹儲州判蔣賢督民夫塞之未幾江隄茅埠口漢隄夜汜

口復決當事籌實塞之 陳文燭曰監利車木之隄防江者日

隄防漢者日甚而復決於夜汜口二口決而沔之水與洞庭  
為一顧夜汜屢塞屢決而數年以來借言水灌江陵不敢議  
築近始築之而未固又復決矣茅埠幾四十年未修郡大夫  
史公力修之人心效順屹然如山南畝東作牛畜遍野 按  
二口之決不知何年就陳君言測之是嘉靖九 十九年都御  
年後事至夜汜決後當必復築特志無考耳

史陸杰僉事柯喬增築江隄黃帥廟何家港茅埠天井等處



延袤五里漢隄增築柴木院道人腰河諸隄又塞別河口長百餘里三十六年大水江隄決壞民院無算旋堵塞萬厯四年邑人諸生李森然劉璠議合沿江各邑業民將江隄一律修築從之四十一年漢水驟發潛江快船灣隄決直趨爛泥湖沔境幾成澤國當事籌貲築之四十二年督捕同知孫奉檄鼎修長官隄四十三年知州郭僑倡勸築江隄始黑沙灘訖漢陽玉沙界約五千三百餘丈自是江隄稱鞏固矣費尙伊記

沔澤國也漢水當其西江水當其南其苦昏墊從來遠矣顧漢水雖大漲勢不過三日沙泥之積閒化汗邪為沃衍而江水則浸淫灌注不經月彌旬其勢不止其為害最酷且久而所恃為砥柱者則沿沔一綫之隄耳隄始於按察青陽柯公今去之數世僅存故址重以戊申大浸風濤之所怒號魚龍之所饒嚼並其餘址亦盡崩齧甚者蕩為平地間閭單竭倉

# 沔陽州志

## 卷三

### 建置

隄防

七

廩匱乏計畫無復之而當事又多傳舍其官弁髦其民卽時議修築猶捧撮土以塞孟津能乎哉故南韓之民肝腦塗地兩稅之逋多至不可紀而小林一里罹害尤烈流離轉徙餬口四方者十室而九租吏至門有仰屋歎耳此豈人情情窳不可化誨而樂生趨事之心與人異哉則緣夫馮夷之爲害大也大夫郭公始至郡問民疾苦旣築總口以防漢溢且喜且歎曰此猶杯水耳舉長江二百餘里之地而秦越視之獨非吾民耶乃招集流亡令復故業隨簡其丁壯使受役始事於沔黑沙灘訖漢陽玉沙界約五千三百餘丈經費不給爲委曲籌備而躬拊循之獎勵扶怠民皆子來曾不數月工用告成巢居木處之民始得耕種桑麻被野雞犬相聞變沮洳爲樂土易廳搖爲寔宇伊誰之賜耶昔漢王尊守東鄉河水浸金隄尊沉白馬祀神請以身禱因廬隄上水爲節後世以爲美談大夫飢溺由已爲民請命精誠所激無以異尊而川后式靈水波不沸無沉馬之費與暴露之苦而坐收平成永賴之績事半古人而功倍之得天助多矣父老礪石請紀載筆以志不朽且以俟觀風者是年於潛江班家灣迤下三十采馬大夫名僑陝西渭南人

餘里之快船灣加築舊隄濶四丈高三丈沔西境亦稍安枕



費尙伊記按沔圖志漢水勁濁善決昔人設隄於潛江班  
家灣以捍之名曰總口總口迤下三十餘里名快船灣水勢  
浩蕩尤稱險惡雖有老隄以歲久崩弛至萬曆四十一年以  
來巨浸橫溢渺然存者人民移散煙火蕭條逋賦至巨萬屢  
經修築決不旋踵渭上郭公以萬曆四十二年春○月奉聖  
天子命蒞沔振舉百務政尙康平戴星程書分漏寔息載駕  
輕舟周視汚瀦要害莫甚於快船灣因上狀當路復與里父  
老語曰議蠲議賑僅煦沐小惠耳勿能裨益於若曹吾欲東  
南之墟各有寧宇願借力如合郡糧圻官軍兆姓責成廉能  
員屬期功速就也爰是計畝四百起夫一名共得夫數十人  
無寒暑風雨各守定界畚鍤齊集若雲屯然其爲工堅緻鞏  
固濶四丈高三丈延袤數千里望而卽之不殊於礮石雀窺  
也役竣大夫猶慮隄幸固矣當防議穴潛沔界連保勿盜決  
乃設立堡守員役崎嶇之處植以長楊護以蘆葦甫再踰年  
而野有露積家富倉箱逃匿之遺黎返歸故土積歲之逋賦  
樂輸在公洵一勞而永逸迄三年已有成已是年漢水頻漲  
自春徂秋幾十數次原野宴如功蓋首著哉昔禹降泮水疏  
九川陂九澤諸夏又安功施三代今大夫職司唯恪務祇民  
於休息察河源於列眉收樞軸於指掌遡歸墟之迹運吹萬  
之神聚土而審基民罔懟勞用是平成再見底績稱奇也頃

沔陽州志

卷三

建置

隄防

大

當虞庭課政報最之期里薦紳大夫下及童叟田畯畢獻篇  
誦謳謠以揄揚盛美不佞前已敘之簡端矣茲因梁泗院民  
有建碑之請徵余詞以誌不朽余唯沙隄新築上以過潛沱  
之澎湃下以漲車隄之流波大司農之錢穀不竭億萬姓之  
生計無虞安瀾善下擊壤成風是宜人不能忘豐碑永建故  
復爲文以揚推之兼以示後之君子石工資費姓氏例得書  
於碑

崇禎十二年漢水復溢於監利沔之西南柴林三台朱  
麻凡三十九院受爛泥湖之害於是州民代築監利譚家謝

家楊家三灣遏其上流知州章曠又將北口橫隄加築長三

百四十丈一統志橫隄在沔陽西南四十里柏口長二百餘丈按柏口卽北口二百當作三百高厚堅

壯植楊柳護之立民舍安之橫隄不知始自何時舊志云往年北口築有橫隄爲爛泥湖設

也但苦監利奸民以鄰爲壑屢屢盜決橫隄之廢幾五十年

己卯十二月費官民銀四千兩大爲興築蕭上達碑記沔陽環郡皆水也西南有防曰橫嶺受水害尤毒厥田屬遼廣

二藩厥民則沔初不過一線土耳嘉靖閒觀察柯公始增之



萬麻間爛泥湖決居人數陰潰此隄遂以沔為壑矣先是父老議開新河去此隄里許官出資買廣藩田五十三畝有奇以疏積水以固上流河民稍蘇嗣後南江潰大浸稽天此隄成淵而新河復深雖經應刺史加修僅捍泥湖潰潦無復舊觀矣自是迤邐而上總隄決泥湖又決水建領下沔城內泛舟田廬悉壞從前水害未有若斯之甚者究致橫嶺泥湖並為一區沔人年年役夫操畚鍤從事為鄰人謹門戶隨捍隨決如築沙煮塵迄無成功天祚吾沔而以雲間章公來守是邦課農桑問疾苦首議隄防即命信人誠夙駕躬造橫隄相厥形勢諏日畚土捐俸三百金以為倡導而郡丞孫公矢廉矢慎以董之紳衿民庶樂輸子來約用四千金連亘三百四十丈中寬七丈首尾各四丈跌寬十二丈遠不過一里七分而崇岡堅壘屹若金城立關壯繆廟於上以為保護之祀水至折瀾殺勢永無衝齧之患亦未嘗壑鄰自便人皆沐浴休澤歌詠尸祝弗衰猗與盛與夫香山眉山所稱大業文人也然考其功德及人障湖捍海漑田千萬頃至今賴之公於兩君子奚讓焉父老德公  
爰屬余記之以志不朽云  
十三年五月江水盛漲南北湖口

沔陽州志

卷三 建置 隄防

制自監邑界牌迄牛魯十二院就近田畝頂修一載約七十餘里由呂頭尾抵高橋列十二總就田畝頂修一載亦約七十餘里自高橋而大木林楊家灣水殺隄微工亦省議既定遂率業民堵築決口並通隄一律修整初沔東有任家嶺隄以禦漢水自後隄久不修潛江之排沙渡倒敗而麻港四十餘院十年無收是年十一月章曠從士民請於任家嶺外創

築泗腦隄長七里奇凡一千四百丈

曾光祖碑記沔漢承流也陽侯之虐比歲

為憂前此當事拮据隄防歲用數登無如築不一處決不一處邇年西北膏腴盡為滄澤初潰於景陵深潭口繼潰於潛江排沙渡勢若建瓴民生困苦以逋賦繫徽纆者前後相望積苦沈疴呼籲無術歲庚辰峨山章公蒞沔且二年時時為民興利除害會禱子院橫隄告成又將從事江隄兩者共捐清俸五百金民賴以有年東北之人蹶然起曰我侯豈秦越



視也爰以築泗腦隄向公請命公欣然報可夫泗腦久成澤國無舊捍可因今爲高於深淵動眾於狼狽慮弗獲底績耳況時久功浩倘玉馬冬騰石燕春集不能以魚鼈荷畚鍤也雖觸山之力傾日之誠其何克爭公不問也日炊之未有不熟種之未有不生者吾何求哉吾但知濟於民者以身殉之而已乃率眾履其地相其形計畝均夫捐俸出粟復不時巡視之惰者懲勤者獎經理勸督儻力殫心適水利孫公體公意率作興事野處勤勞載離寒暑無或媮者幸天相其成無積雪無淫雨眾樂趨工而轉移執事百輩更得備錢爲生八閱月而竣事橫亘瑯衍如塙如壩父老子弟過其處頌者歌者仰天祝者呀然無言頓足喜者百世之利於斯爲甚陳子昂有言一州得才刺史十萬戶受其福天蓋以公貽河也是役也隄計七里八分內糧漁田二十七萬畝有奇起自庚辰十一月報成於辛巳七月屹然與橫隄江隄三方峙立河自此世無水患父老子弟欲立石記公功德而屬余言以誌不朽余謝不獲已爰爲次其語如左公名曠以領解登崇禎丁丑進士南直華亭人曠之言曰凡民難於慮始苟利地方公名茂芝浙江嘉善人

勞怨聽之予竊照田起夫親督畚鍤率以高厚爲準於是南

河陽州志

卷三

建置

隄防

三

江隄東泗腦排沙西橫嶺四望雲橫擬於岡阜然防河固急開河亦沔利也沔自南黃河淤而西北之膏腴榛莽而無用自柳口淤塞而東南之氣脈壅塞而不通誠防河以去害復濬河以興利沔民有厚幸乎第工力浩大難於驟舉時豐歉而慎行之則在賢司牧矣 國初江漢順軌亦時有修築七年夏六月潛楊家灘茱莉灣潰西湖新興朱麻二百餘院盡淹沒巡道馬鳴鑾督夫堵塞工竣改爲樂利灣十五年秋江漢並漲隄院多傾潰歷年堵築始慶安全康熙二年漢水泛溢傅家灣禪堂等隄俱潰三年冬十二月與工堵築四年春三月工竣復修築南江潰口九十六處夏五月漢隄總口潰



西湖新興浮張三角等院盡淹南江隄繼潰四境悉淹沒歲用不登自是籌款復修五年潛邑排沙渡隄潰水由羊皮洗

脚湖下冲斷沔邑鳳凰河尾

今袁家口

至道光間河口淤塞此河

遂廢仍復旗鼓隄之舊七年秋巡撫林天擎親詣江漢合隄

踏勘議蠲賑有差十年夏六月潛江班家灣大決沔受害最

甚十五年江漢並漲潰隄六七處南轄盡沒二十年秋七月

江漢隄院多潰皆依例籌貲築之三十五年江岸新隄被水

衝齧當事議派院夫兩岸築橫隄名預備隄三十七年沔邑

新隄監邑螺山之民奉部文大起夫役在潛江下耳院中河

南岸建隄一道俗名皇隄又名部隄五十四年江水大漲西

沔陽州志

卷三

建置

隄防

三

流龍隄茅埠等隄俱決民多流散士民控請發穀築隄總督

滿丕巡視運穀給發隄成士民立碑頌德

碑在茅埠

雍正五年夏

六月江水大漲狂風繼作江隄龍王廟五柳墩月隄頭延壽

宮預備河隄口觀音寺太平巷胡家洲牛字上號中號下號

楊泗峰竹林灣瓦窰頭呂蒙口又街隄口八總口南北湖口

先後俱決總督傅敏檄分守武昌道趙弘恩親往勘驗文明

潰口一千七百一十三丈五尺五寸估工三萬三百一十三

井用夫三十六萬三千七百五十六名傅敏念災民疲困捐

支養廉銀買米三千六百三十七石五斗六升院民間之咸

踴躍輸貲閱三月工竟隄高一丈二尺頂寬二丈腳寬六丈



會傳敏去任總督邁柱題奏奉

旨以民樂赴功依康熙

五十五年例賞給銀兩每夫銀二分共賞沔民銀七千四百

五十八兩五錢七分二厘驛鹽道楊

知府周

親臨

給發六年夏五月漢水驟發沔屬王家灣隄潰決長四十八

丈橫隄亦決秋七月巡撫馬會伯親往勘驗撥公項銀委知

縣傅百揆堵塞

蕭蓮芳傳公重修北口橫隄碑記沔濱江之

以為保障者則未若沔西橫隄以禦監邑泥湖之水為要害

蓋泥湖連接沔之朱麻一十三院小有潰決崇禎己卯沔牧華

亭章公捐俸倡導約費四千餘金築隄三百四十二丈高廣堅

緻若金城復建關壯繆廟於隄上以鎮之沔自是無西顧憂

記豐碑而尸祝之蓋百年矣雍正六年五月十二日監邑費

家院潰越二日泥湖之西隄又潰冒橫隄而東之洶漏澎湃

不終宵而城市行舟其由朱麻院達漢川奔騰數百里煙波

浩渺水害之酷未有若此者也嗟乎丙丁兩載淫潦之後繼

以疾疫死亡枕藉今又水酷若此此唯救死扶傷之不暇遑

議修築哉時維九月監邑張侯攝沔篆泛舟橫隄目擊曠者

西者平衍無障者衝激成淵者欬歔太息列狀上聞憲府廉

得其狀謂沔之民疲矣沔之司牧亦疲矣非另委一實心任

廉能以沔隄孔亟特委督修公既授事扁舟洪湖中慨然曰

沔隄之廢墜當修者眾更最急且艱者其橫隄哉顧辰角見

矣水盈盈棲於畝雖築弗堅於是周麻十三院之南偏曰新

塞雖河伯斂迹何以通蓄洩備旱潦也復會張侯達之大中

丞馬公給鏹百金命建新閘一埠屬庠士史子弘業董其役

迨舟泊橫隄則又慨然曰水泉既濶土惟泥塗恐力倍而工

弛也如待其剛燥而事畚鍤又迫難待也可若何乃復擇監

邑之近隄而剛燥者予價銀二十六兩得吳容占田一十八

畝三分用以取土立橫隄戶名付關廟僧守之尅日興工公

自奉儉素嚴察吏役造報凡供億陋規屏絕殆盡圩長感公

德化按田多寡據實造報土以井記井以畝記眾力競勸歡

聲雷動冬無積雪人坐春風不市月而鬻者陘凹者墳平者

阜淵者陵綿亘之勢與舊隄埒高廣過之堅緻又過之而到

沔陽州志

卷三

建置

隄防



亦與之俱成蓋金城固而明德遠矣雖百世永賴之何止百年之計也公其與華亭並美與嘻公爲此極難耳華亭刺史也有俸可捐有權可藉公暫時委監不日成功非精誠感人何以子來恐後如召伯甘棠循行南國而令人依庇無窮與盡人事以弭天患不辭難不擇地古名臣風力也父老既沐公之德屬芳記其事勒諸石以垂永久公河南蒿縣人由進士銓選於楚名百揆八年漢水驟漲驚濤震撼楊林所屬長字時敘萃野其號也

團院冲潰當事籌貲堵築其開口旋築旋潰凡七年始成功

舊志云開口旋築旋潰七年未克成功乾隆二年州判李在田爲文禱於神露宿隄畔三晝夜遍體泥水民有獻飲食者婉卻之由是神佑民奮旬日之間堵塞堅固旱潦蓄洩比歲有秋十年冬十一月知州禹殿

鼇以舉人歐陽汝生員傅霖瀄余瑄等呈請汰革修隄陋

規詳道府司院批准勒石垂遠凡陋規有興工完工過山小禮供給薪米船支轎夫及包

貼圩長私到小費諸名目至此一皆裁革十二年夏六月龍陽院土名汪家河以逼近

沔陽州志 卷三 建置 隄防 三

江流時虞崩決巡撫德林撥公項銀九百二十兩有奇增築

月隄長一百二十九丈五尺乾隆元年清丈各州縣田畝分

爲上中下水鄉等則於是沔陽州衛官私隄院俱依則均派

高下險易勿得漏移栽累民甚便之時漢隄北岸甯家院苦

漬水無所洩紳民議於同院毗連之漢川院隄外開溝又於

川邑大月隄建閘令水從扁担院出三年江隄倪家窩崩頽

數十餘丈逼近預備河隄知州禹殿鼇倡率院民加築預備

隄面寬四丈腳寬十丈高二丈四尺五年秋七月漢水驟發

決鍾祥三官廟潛江金家剝沔邑柴林連豐九合諸院俱潰

水勢直薄北口橫隄知州禹殿鼇曉夕築堵加築橫隄高厚



堅密歲得無恙六年殿鼇復飭業民增修計加高三四尺寬亦如之是年王灣隄復決柴林九河爛泥湖諸院皆被其害而橫隄卒保無虞七年大水江隄及李大院勝興官湖南湖新沙鎮馬鞍甯家馬骨楊家彭王灣連豐初灘三角朱麻等院多有潰決殿鼇勤諭殷戶計畝出貲捐銀一千六百五十餘兩與業民之無力者委吏目吳枝桂董其役枝桂拊循有

法復捐銀四十餘兩工竣民建坊江隄紀恩德焉劉華國紀略聞自宋

神宗二年令天下興水利江隄始創其基然粗成小堰曠棄頗多迄今尚有遺迹規畫亦略可指數迨明嘉靖四年諸生李森然暨家叔祖璠呈請在沔境鳩七邑夫工踴躍從事由監邑界牌起抵沔邑小林共長一百八十里自茅江口塞而新隄著若葉王胡范白沙諸洲烏林青山牛魯諸院皆以江干淤壤範圍其內而如魚鹽如古塘如竹林灣南北湖諸江

沔陽州志卷三建置 隄防

沔

口胥截斷其支流其始成也令居民看守久之多委卸麻崇禎十四年刺史章公按就近田畝分派起界牌迄牛魯列十二院頂修一載共約七十餘里由呂頭尾抵高橋院列十二總頂修一載亦約七十餘里自高橋而大木林而楊家灣水殺隄微僅與他子院等規模既定經百餘載悉紹其舊而要隄亦緣田而定冊迨庫籍毀而鮮稽閃匿混淆紛雜百出致經費無着傾頽日甚雍正丁未六月一夕漫潰一十九所室廬漂流墳墓沖決人民死徙較之從前癸卯丙辰害為尤烈時三衢孔公牧沔繪圖詳請蠲賑更給帑米若干石銀若干兩十五口皆列職監修而楊泗洋竹林灣瓦窰頭三處孔公屬家君以儒生肩厥事八總一口亦付諸生李文道隄成各贈額紀其勞然終未有以未雨之綢繆記者乾隆壬戌中州汜水禹公來撫我沔出經濟才殫誠求心知沔之難治由田畝不清因之餉不均而逋抗隄不實而傾圮官民之累不越乎此甲寅秋具詳各上臺上臺據以入告 聖主下其議甫二年而事竟田在畝者區以界畫名列某冊者定其額數則分高下者詳布規例糧餉之清晰諸院之鼎新不具論若江隄則仍以各院之總額隄均之各院總地畝上中下則一例水鄉折半白水以下免派又以民情難於更始捐鶴俸令



各修樣隄一所脚六丈面二丈高更加三尺爲度俾閭閻有所則效所謂凡民之事以身勞之也舉數十年人人所欲成之事而一旦成之百餘年人人所不能剔之弊而一旦剔之非才大而心細疇克幾此方今隄陞鞏固人慶苞桑年穀豐登史書大有輸將恐後與向時彫殘衰靡景象大相逕庭余居鄰隄畔祖父輩皆與其事顛末頗悉茲復覩賢士大夫能新其制可千百世而不朽也故樂書之使後之人得所考焉

自後紀載多軼五十三年江

水盛漲監利萬城隄潰沔盡淹五十七年漢溢沔隄院多潰嘉慶元年亦如之五年漢北岸隄潰甯家院溝淤閘塞院內潰水無出六年沔邑庠生陳鳴鳳與漢川庠生顏卜善以爭水道互控經委勘命沔開新溝建閘水自太甯寺隄出十三年總督汪志伊因公徧厯各州縣詢知治水之要害在上游者宜堵築在下游者宜疏濬於是奏請發帑辦理其在沔陽

沔陽州志

卷三

建置

隄防

三

則譚灣西毛馬骨長團長腦諸院凡八十餘丈皆加築如式曾家溝添砌石工凡若干丈又以福田寺新隄爲江監潛沔積水出江之路有長隄爲阻水莫能消乃擇地建閘依時啟閉內以宣漬潦外以防盛漲民咸稱便十六年甯家院民以新溝水出太寧寺消洩不暢復請疏川邑間隄外故溝在韓家台建剝令水自剝出從之二十年太寧寺閘韓家台剝塞監生張天秀價買川邑蕭家溝田三十六畝於其地開溝建閘水出饒家潭口並認修川邑漢隄上十二丈及黃會所隄二尺五寸沔民厯年疏濬至今猶利賴之二十一年江溢沔南京坻諸院俱沒厯七年隄築始獲播種二十二年襄水由



漢陽格子龍湖兩口隄潰遂灌至沙湖河水泥淤百餘里

閉田沈鎮紳戚曉村等糾工疏濬戚光鑫記云鎮之始水多於地不虞其塞壅而患其

綜滙邇來支河盡淤僅存中流大河上接荆襄下通江漢又不患綜滙而唯虞壅塞蓋資宜洩利舟楫農田工賈胥於是乎賴脫一壅塞害將不可勝言近乙亥丙子襄水驟漲江水

逆灌漢屬格子龍湖兩口隄潰南北橫截河流麻漢江口間泥淤水阻者百餘里由是隄鎮上下數十院閉田沈市鄉

俱困從叔曉村慨然謂其子東瀛曰目前急務無如河吾一倡而眾和咸願解囊矣然法不善則耗費煩無實效此好事

者之為徒擾鄉里無濟也計鳩費庀用有田上舍紹斌龔茂才觀亭江參軍文圃梁上舍烈璋周上舍雨亭克肩乃事而

董理監督眾皆屬意汝汝好為之東瀛展轉籌畫以意製木鐵二鈿方徑丈二尺鐵者銳其齒木者厚其葉四隅壓以巨

石兩傍各繫大舟舟設轆車用繩絞之復別織竹障置鈿堅沈水中以水鼓障以障行鈿以鈿起泥於是水激沙走如龍

歸壑商賈農夫相與鼓掌慶忭謂斯舉洵足多焉然沙湖一帶地名窪下每年春夏泛漲上襄下江難保其不同時並至

而前兩隄之潰又不能必使堵築以截河流之冲壅塞之害

### 沔陽州志卷三 建置 隄防

有旋時立起者老成先見宜如何善為後而弭其患哉意者廣其公款存典生息於每歲冬春之際水落土融即時疏濬

俾歲有常款人有恒心庶幾水勢流通沛然注江淤塞無患而利賴靡窮也首事將刊輸費之眾於石而屬記如此蓋以

彰今日之善舉即以道光元年監利武家口潰沔邑朱麻院勸他日之踵事者

水二年天門王家營隄潰潛沔皆受水患三年潛監土惡欲

放泥犁湖之水率眾決朱麻院橫隄張葆森說盜決兩次鬪死者三十

餘人知州方策勘議言須從橫隄頭至沈家河計丈四十餘

里開疏深通均可暢消於是三邑業民分攤潛江建閘監沔

疏河各消各院之水十一年夏五月監利白螺磯江隄潰沔

屬茅江新隄鍋底灣隄院並淹自是沙鎮及紅土金堂萬壽

姜陳萬寶張余萬全並仙鎮左右各院俱沉沒民畜溺死無



算其後隄院次第修復屨數年乃訖工十二年排湖管家口  
潰工大戶貧邑紳同知平治捐貲築堵十七年太陽腦通城  
院長樂聞成初雍正末通城院外河隄道淤塞漬水無所出  
院民欲於下游龍眼墨池二處酌議建閘洩水爲下游民所  
阻屨控至乾隆初都察院據所控奏聞 上命大學士劉

墉來沔履勘分通城下游爲恩全院恩全水道照舊其通城  
洩水宜在太陽腦建閘疏河議定以工大未舉辦至是邑紳  
張鴻翹及姪樹煊樹藩樹桂公建用錢一萬七千餘申其由  
楊樹峰疏河至太陽腦閘河則邑紳費成遽捐辦十九年監  
利子貝淵潰漢水倒灌柴林河淤高成阜河南諸院在洪湖

沔陽州志

卷二 建置

隄防

毛

者沈塌殆盡二十二年潛屬獅子腦隄潰水直冲泥犁湖橫  
隄盡決朱麻等院沉沒屨數年乃修復二十九年春正月雨  
至於夏五月江溢五月晦大風以震波濤洶湧諸院盡沒城  
圯民死亡無算知州吳璪申詳災傷十分情形請以各工代  
賑從之咸豐初潛江澤口即夜潰江監潛沔俱受其害大憲  
委四邑受害各院籌修時粵賊侵擾工未完六年監沔首事  
瞿漱芳等議合築子貝淵生員戈永靖等籌濬柴林河以消  
上游之水七年隄復潰民力竭無可籌九年夏荆河潰朱麻  
等院被滄是年四邑紳首馬鈺莫京元等籌築澤口完工十  
年澤口又潰明年四邑復議堵築貢生賀熙朝等呈言沙洋



河自嘉慶間淤塞河岸左右各院漬水無洩每襄河盛漲輒復倒漾入河淤墊日甚請於賀家灣暫築土埂以禦襄泛並

開疏河身以消漬水從之按此事不知在何年姑附於咸豐之末同治元年新

隄江岸石磯成傳卓然石磯記江水自岷峨踰巴峽下彝陵其勢頗橫夏秋盛漲或與洞庭合流汜濫荆

岳鄂漢閒急湍如矢澎湃震撼而沔之新隄適當其衝故為患尤甚嘉慶以來隄外沙渚突生壅水橫擊時有塌卸舊有

棉花集其地已沉江心鎮東環水而居者近復陷去數十家進逼大隄居民恒惴惴不自保議者遂謀徙以避之曰是安

可與水爭夫水猶寇也我退彼必進一退再退後濱湖將柰何是危道也苟無隄何有民苟無民何有市而欲不與之爭

得乎會太守周公壽山來刺沔卓然具以告且請建石磯以挑溜使不內逼刺史曰善疏其狀於當途官保胡中丞命速

圖之而事尚未行適觀察劉冰如先生以守郡勘災至與周刺史謀卓然與焉觀察可其議促之行中堂官制府廉舫文

觀察並倡捐以助時則有若但少村觀察羅仙舸刺史黎厚民司馬劉子香廣文暨職員王小浦王勉肩董其事而同志

沔陽州志卷三建置隄防

諸君子踴躍相從以咸豐九年十月興工越三載乃成其實以木障上流殺其勢隨投以亂石視其水深四丈許淺亦二

三丈有難之者有阻之者有非笑之者卓然不問也明年冬水落石闖然出或列或跪或立或仆堆阜突怒儼與岡陵爭

雄適新牧梁鶴賓蒞任明府何仲香奉劉觀察命來會勘升磯以望見有灤洄而外奔者曰此石漱之使遠也見有若隱

若見若斷若續者曰此洲將他徙也見有頽者起缺者平危者安曰此向之崩塌岸也見有波平如練欲往而復風力無

能鼓盪者曰此下游深潭之就淤也見有帆檣林立爭泊上下且歌且舞若不知有驚濤者曰此商船樂就磯以避風也

二公鼓掌稱快者久之卓然竊歎天下事蓋有幸有不幸焉向使休於物議因難中止不與同人始終交勉磯必不成又

或當事用兵吳越不暇問及民瘼即偶有興作非如台省諸大老之訓迪賢太守邑大夫之董率及在事諸良吏之維持

相與鼓舞激勵殷殷不已磯亦不如是之速成是皆吾民之大幸也用志於石以賀斯磯之遭云爾傅衝新隄石磯歌

吁嗟長江之險奚獨十二灘長江之水東流何時乾自從生人開九土九載懷襄慘不歡共工怒觸天柱折遂使東南下

土水漫漫神禹鑿破岷山脚羊腸鳥道出峽惡朝下洞庭暮海門長風萬里紛擊搏岸傾沙頽江欲翻急湍鳴鳴動樓閣



夏秋泛漲如霆雷直擣荆岳鄂黃江之隈蛟鼈出沒不可以  
悉數但見陰雲連日鬱不開新隄一綫何危哉棉花市沈江  
水今復逼大隄居民何惴惴吁嗟女媧今已死後世誰燒蘆  
灰止又恨精衛填海不填江千秋萬歲淪赤子刺史周公萬  
目憂借箸願與家君籌毋曰我公有咎罪在陽侯君請運西  
山之石塞大江之流夸娥二子倘能負移他五嶽鎮南州焉  
懼奔湍之黃牛君不見怪石嵯峨蹲江畔梗盤江底何傲岸  
或如始皇造石橋直渡海波失浩瀚或如諸葛排八陣魚腹  
壘石操勝算或如牛馬飲於溪銀濤觸之盡回竄或如虎踞  
龍蟠不可撓令人見之驚流汗噫吁嗟石磯胡為若茲雄人  
力可奪造化工祇此一卷石迴瀾

是年監邑監生姚以南等

議於澤口添築石磯挑溜因賊擾未訖工二年將殘缺隄段

一律修整三年監利預備隄潰青鄭朱麻通城院被淹踰二

年隄築水患始息四年監屬楊林關潰直冲潘埧部隄朱麻

通城破院成河屢議修復未果副戎王子芳北控發賑三千

沔陽州志卷二建置隄防

緡知州羅登瀛議章幫修監四沔六卒格於眾議口終懸荆

河之水遂改道北趨矣五年江隄三總九總十三總潭口邊

皆潰民流亡不可勝記知州阮泰詳請以工代賑修復是年

監沔復合築子貝淵潰隄旋築旋潰柴林河仍淤塞六年漢

溢排湖大水七年亦如之八年烏林八總李家埠頭各江隄

歐陽灣白家腦馬骨院各漢隄並潰知州羅登瀛詳請以工

代賑修復從之是年潛江澤口內梁灘旁復冲潰一口名吳

家改口歷年羣議修築不果

潛江志云梁灘吳家改口濱臨襄河南岸居澤口上游緣襄河

由澤口灌入荆河旋折逆流約四五里右有梁灘左有馬湖灘又折而西約半里許至杜林院則吳家改口即在梁灘矣謂之吳家者言梁灘有吳姓居此其潰口在吳家傍也改口者謂由澤口改也潛江志云初潰時僅寬數丈鄉愚不以爲



意玩未亟修俄水大至口漸刷寬因呼爲改口十年十一年  
籌修未果淘汕口門益寬梁灘崩塌北岸漸淤成沙嘴挺峙  
河心大溜直趨南岸九年江溢峰口以下諸院盡潰知州羅登瀛議請

以工代賑擇要興修是歲江隄工竣十年令民疏修玉帶河  
隄監生武正烜等呈言通順河受襄水倒灌河隄殘缺下游  
淤墊不能達杜家畱而出一經泛漲沔西北東數百院均受  
其害此時民力困不能修復宜於潛屬楊林洲卽排沙渡又  
名旗鼓隄通順河首暫築土埂以免倒灌知州羅登瀛詳準  
允行是年監邑大興院紳首糾眾強掘沙洋河之賀家灣土  
埂互相鬪殺焚折房屋經控上憲訊令兩造籌費疏河毀埂  
久之未結十三年春災民嚴士連謀築澤口率其黨數十人

沔陽州志

卷三

建置

隄防

三

入州署籲允所請知州王元曾佯許而亟請兵勦之獲士連  
置之法是年潛江知縣戴昌言同江監沔各州縣稟請四邑  
公築改口於是潛江派錢三萬四千串沔陽二萬四千串監  
利一萬串江陵五千串於光緒元年春興工未幾襄水迭漲  
隨築隨流遂停工亦不起費秋九月知州王庭楨同潛江知  
縣王方田請撥帑三萬兩修築水段長七十七丈正隄長三  
百七十七丈斜高二丈七八尺不等面寬六丈五尺七丈五  
尺不等隄上首外灘建石磯以殺水勢疏挖澤口河道計長  
一千八百二十丈不等不敷費項四邑仍照上年所派之數  
設局催收以濟工用並請復築楊林關檄委清軍府姚震榮



督修是年知州王庭楨議築子貝淵潰隄請於巡撫翁同爵

撥釐金錢三千串復諭生員戈永靖勸捐督築並濬柴林河

復暢流魏鳳池新修吳家改口碑記吳家改口吳姓舊居也

因河決此地澤口水改由此入故俗呼為吳家改口

原非口也地濱襄河之南距梁灘北頭三百餘丈上捍內方

支流下為江潛監沔籓離自同治八年秋襄泛冲開波濤洶

湧膏腴之產變為巨浸保障之隄化為烏有而水患從此深

矣自有改口水勢直注如頂灌足荆河下游數百里民不堪

命流離轉徙蛙鼃甑塵雖鄭監門流民之圖聶夷中補瘡之

詩不足喻其苦狀也時州主朱公與潛邑尊戴公見而憫之

創始修築功未及半相繼解組邑民惶惶竊慮此口不可復

修大功不能驟舉嗷嗷哀鴻永無安集之期矣而我王公子

泉適牧是州此殆蒼蒼者不忍吾民困苦顛連而使非常之

人成此非常之事也公以乙卯副車麻官江漢卓有政聲來

蒞沔甫下車召池等謀曰朝廷設郡縣而置之官為民興利

除害也今沔大害在吳口欲興利除害非築吳口不為功若

以為口隸潛邑見存畛域而不力為謀猶恐隣人食已食不

自炊而甘餓死也且沔較潛受害尤甚官斯土者竟坐視吾

沔陽州志卷二建置隄防

民沈淪於洪濤巨浸之中而不一引手援惡在其為民父母

也費不足我自籌汝等其贊襄之乃商潛邑尊王公詣省垣

謁中丞翁公面陳疾苦為民請命求撥巨款中丞上體

皇上子惠元元之心而下不忍聽數縣之民之死而不救也

於是力排時議奏發錢三萬緡佐以太守史清軍府姚以爲

興修改口之助合野蒸黎歡聲動天憂者以喜病者以愈而

修築之大工興矣工既興公益勞城設總局以自輔鄉設分

局以共籌良民之不踴躍者導之輸錢頑民之不畏服者督

之從役晝則馳驅四方設法開導家諭而戶曉夜則籌畫教

令親手裁答以善一切事宜冬而冰雪奔走夏而驕陽暑不

張蓋恐民力之不贍也為之減費以紓其困恐民氣之不振

也為之駐工以策其勞以故黃童白髮愚夫愚婦歛歔感泣

負畚從公自冬徂夏不期年而功成詩所謂經之營之庶民

攻之不日成之者我公有焉然而善作善成君子之心也思

患預防老成之見也斯隄外抵襄流雖有石磯以殺水勢而

丙臨荆河澤口水入直逼隄脚腹背受敵公深憂之命諸董

事者極力防護凡可以資抵禦裨益於是隄者悉為經理費

支絀公分俸夫退縮公親催每夜三鼓開門看潮落則喜漲

則憂寢饋不安溫語拊循口未築而公籌修復口既築而公

籌保障公之所以為斯民計抑何周哉工既訖同事王君立



三及子方李君兆蘭與漢京魏君鼎元徐子海洲相聚而商於池曰凡有志者事竟成特患為民上者不盡心耳曩者吾輩議修改口聚邑人謀或曰改口之經漫潰於茲七八年水段長七十七丈有奇深一丈八尺不等旱廣量三百餘丈水底層沙層泥約五六尺担土雇夫費不下十萬工大費煩不與他等且天邑曉曉側目而視安在無阻撓其事者斯時吾七人幾難力爭所恃者公一人而已今幸天假之緣大工告竣其善後事宜若何保全若何經紀唯後之父母斯民者謀之而其先之艱難險阻百計區畫唯子悉子其記之且夫改口八年之災洪水橫流已極也菜色之民非有含哺鼓腹之象也老弱瘡痍非易於馨鼓之催呼也良莠純頑異性殊質非能齊心而協力也然而公來一呼奮臂皆起父詔兄勉尅日告成始時之難公者服公之勇始時之尼公者欽公之智要之痼瘕在抱視民如傷出水火而登衽席之上者固由我國家之惠鮮懷保及中丞之軫念民生而要非我公之仁不能成也池竊幸謬附諸君子後非常之功相與其濟又幸得以一詞為贊有榮二年夏五月改口工竣漢隄新淤院施焉因不辭而記其事

沔陽州志

卷三

建置

三

灌入將改口正隄冲塌二百餘丈復成口楊林關亦潰襄河

北岸萬福閘隄及江隄牛魯院潭灣李家埠頭上首十三溝

相繼並潰李漢京大水歎河伯狂暴胡不仁怒擁水師率波臣白馬素車從天降吼如雷鼓擁如銀趨風挾雨

動地來石走沙飛雪山頹三峽倒傾狂瀾注百丈金隄為之摧浮潛逾沔數百里陸沈無際成大災憶昔錫山王太守停車澤國縮青綬心憫嗷嗷鴻雁哀替民請命呼天救借得三萬水衡錢吳口隄成功何懋保障西南幾春秋民解倒懸登仁壽千家萬家祝生佛臨別攀轅尚借寇太守去後垂餘德書來頻念瓠子塞可恨守者安忘危潛人當關實不力奔潮勢如鐵騎突蟻穴潰作蛟龍窟廬舍漂流頃刻間緣木騎墻人終沒嗟哉吾民其為魚波底黃沙葬白骨陌上大樹作鳧游田閒嘉禾作萍浮死者已隨鮫人泣生者且懷餓殍憂場無積穀庾無米入口之家屋牽舟岸上老農為我言今歲傾囊事田疇誰知六月遭陽九萬寶盡附流水流十室九空且雲散四方餽口襁負謀鵠面鳩形鶉衣破歲寒恐填壑與溝我聞此語心惻惻大呼蒼天曷有極天心仁愛本好生怪底降災洪水逼安得神禹生斯時手提馮夷跼支祁洒沈澹災



江漢定粒我蒸民無阻飢方今聖恩高且厚租賦屢蠲

恤瘡痍撫字冀有良司牧圖寫流民告形埤盡瘁同此

王尊馭重固隄防起民疲前有知州徐鑾詳請鉅帑以工代

賑次第將江隄堵築五年春漢隄北岸亦塞而改口卒莫能

築則緣澤口已淤又工大費重雖竭力籌修卒莫善保故不

如其已也是年監利子貝淵隄以北各院苦水無消洩率眾

掘隄與南院民互鬪傷殺甚重知州徐鑾監利知縣黎埏會

詳情形飭在子貝淵隄與新隄建閘籌工未集五年知州鍾

廷瑞議設局籌款疏建適子貝淵南岸隄潰民糾築未果七

年知州黃廣焯任內南北兩岸依河築壘構釁如故總督涂

宗瀛飭知州李輅到任發帑金十餘萬兩開疏柴林河建子

沔陽州志

卷三 建置隄防

貝淵閘一道並移建新隄閘水過洪湖由閘出江因消洩未

暢十二年知州陸祐勤籌開馮姓河水從下繞道歸洪湖又

詳請開新灘口沌口漢陽溝以疏長夏河下流庶各院均安

鄰封交益工程較大將冀方來先是光緒初年仙桃鎮下新

淤院襄隄決頻年爲災九年知州李輅勘估請帑修築委員

王培厚紳首蒲紱庭等襄其事工成水患頓平民多稱之十

三年江襄盛漲江隄潰於大木林襄隄潰於禹王宮滙成巨

浸潛江改口貽害復潰花土地鞠家灘等隄合楊林關之水

破腹直注環逼州城北由姚老院鄢家溝暨新院剝溝灌塞

州河濱河數百院潰潦難消民多逃亡知州陸祐勤親詣省



垣請帑急撫兼以賑歸工修復江襄各潰口南北奔馳雖盛  
寒溽暑無稍休命武舉張開鏞修築大興院東隄人多難之  
祐勤力排眾議多方籌畫竟告成功復籌修護城長隄命舉  
人李漢源拔貢江玉樹庠生魏鳳池王兆鵬等董其事自城  
南大朱院王家口起至唐市陶橫隄止綿亘五十餘里內包  
九合姚老豐實順成毛家團湖新院麻絲小朱等院計田六  
萬餘畝召集流亡扶老攜幼襁負赴工者日數萬人賑款難  
給復乞糴於漢郡知府逢潤古發倉穀濟工五閱月而工成  
民呼陸公堤十四年六月水暴漲江陵鞠家灘復決衝潰陶  
橫隄進逼新院陳橫隄勸籌款搶築晝夜焦勞萬憶萬箱  
沔陽州志

卷三

建置 隄防

五

隄段附

乾隆元年邑民段仁發等以沔地遼濶南北江漢相距甚遠  
中間民院不下數百舊設水利州同一員奔馳不遑查修則  
足跡難遍防護則鞭長莫及請以沔陽州州判分駐仙桃鎮  
將北方一帶隄院上自天門縣界潭灣北院下至漢川縣界  
北枝溝兩岸隄塍共長一萬七千五百四十七丈撥歸州判

此全局所關受益非止一隅也



轄修其東西南三方江隄上至監利縣界下至玉沙界共計長一萬四千三百九十一丈漢隄則東方通城院行隄上至一墩院共計長九千三百丈西方光楚古張院上自天門縣界下至迅勉字號共計長六千七百四十二丈統共三萬四百三十三丈乃歸州同管理知州禹殿鼇據詳巡撫史貽直具奏奉 旨交部議行其後稍有移併而案牘闕佚莫可考究今所紀附列於篇

江隄上自監利界牌下至漢陽界牌止共隄長一萬五千四百四十八丈五尺

西流院 龍陽院 上花院 下花院 預備河隄院 史  
沔陽州志 卷三 建置 隄防 三

家院 茅埠院 楚屯院 葉王胡花洲院  
共長七千二百五十二丈五尺由州同管理

烏林院 李牛魯院 一總院 二總院 三總院 四總院  
院 五總院 六總院 七總院 八總院 九總院 十

總院 十一總院 十二總院  
共長八千一百九十六丈由鍋底灣巡檢管理

漢隄一稱襄堤上自天門縣多祥河入界南岸自新泊院起至芳洲院止北岸自潭灣起至團字號東橫隄止共長一萬七千

五百七十八丈一尺  
新泊院 童潭院 大石院 小石院 仙桃南鎮 新淤



院 楊家院 蓮花院 恩隆院 高字院 嚴子院 泗  
字院 芳洲院

共長九千五百零一尺

潭灣院 西毛院 楊林院 馬骨院 陶北杜三號 上

南院 中南院 下南邨字號 長字號 圍字號

共長八千零七十八丈由州判管理

漢隄北岸自與天門界之馬腦院起下至漢川界之脈旺嘴  
止共長一千四百九十丈零

下新字號 灣字號 內白字號 外白字號 中白字號

涼字號 南字號 金字號 八字號 上新字號 張

沔陽州志 卷三 建置 隄防 美

婁字號 馬字號

丈數見前由州判管理

乾隆十三年巡撫彭奉 旨飭將湖北灘地禁止侵佔因

奏言荆襄一帶江湖袤延千有餘里一遇異漲必藉餘地以  
資容納譬諸一人之身江邑之長湖桑湖紅馬白鷺等湖胸  
膈也潛監沔陽諸湖下達沌口尾間也其閒滌洞盤折之支  
河汊港則四支血脈也胸膈欲其寬尾間欲其通血脈欲其  
周流無滯如三襄之水性濁多沙最易淤積有力者因之趨  
利如鶩始則於岸腳湖心多方截流以成淤繼則積水糧魚  
稞四圍築隄以成院在小民計圖謀生唯恐不廣而不知人



與水爭地爲利水必與人爭地爲災川壅而潰有自來矣臣  
伏查舊案節據荆宜施道屠嘉正安襄鄖道王概議將未有  
之院永禁私築已潰之院不許復修等因詳請飭遵補偏救  
弊誠爲允當唯是利之所在民間不憚百計求勝而地方有  
司未能窺及遠大少不留意則私挽之弊仍有不免縱令道  
府親查而曾否加添究竟無據臣再三熟籌竊以爲積習旣  
成挽回非易欲復三海八櫃之舊勢誠不能亦祇杜其將來  
而不使院之增多則當先知其現有而確知其定數唯有檄  
飭各該州縣於冬春之際親行履勘將各邑所有若干院各  
依土名查造清冊由府核定賫造各衙門存案嗣後以此次

沔陽州志

卷三

建置

隄防

七

所查著爲定數聽民安業此外永遠不許私自加增卽一院  
之內不得再爲擴充仍令該管道員於本年出巡之便逐細  
詳查加結具報則有無增添按冊可稽而州縣之實心奉行  
與否亦可藉以查核勸懲至此後遇有淤灘查係民間納糧  
之地或種豆麥或收柴草均聽民自便但不得另築隄塍以  
防水道疏入奉

旨依議

協修附

沔邑自明嘉靖時奉派協修鄰邑隄塍最爲民害其始由荆  
門汎防之沙洋關廟河隄當漢水直冲荆州居沙洋下流故  
昔人稱荆州有養魚池之謠江陵張文忠居正當國私其鄉



土藉護陵寢為辭創議派各鄰邑協修沙洋河隄以期鞏固

自此以後騰雲灣姚家溝相繼以起例例相續王浩沖曰張文忠藉先陵

為辭派修及沔事已隔代國家因之何為乎猶曰文忠遺碑尚在也未幾而騰雲灣姚家溝相繼以起例例相續蔓滋難圖竟成積累獨不思沔以久溺之餘子婦井里化為蜃蛤自治不給流離轉徙者實煩有徒乃於啼飢號寒之日代人奮錘吾恐永號他徙終歌碩鼠矣有心民瘼者可無長慮耶崇禎間潛江排沙渡屢決十

二年巡按御史林檄沔陽竟陵各捐夫價銀一千兩協

修遣巡哨鄭董其役國朝順治五年潛江排沙渡隄決

復派沔協修七年與景陵今天門縣協築排沙渡改名曰旗鼓隄

是年潛江楊家灘隄成更名騎馬隄十二年與景陵協修潛

江傅家灣余家灘隄十六年協修潛江蘆泆腦十八年協修

沔陽州志卷三建置隄防

楊家灘傅家灣隄康熙三年協修潛江傅家灣郭家口張心

等院張金龍曰沔邑協修潛江諸隄自順治五年排沙渡始

民未暇籌也旋應之豈知沔協排沙頭渡而潛棄蘆泆腦之隄不問矣潰而壑沔是以十六年沔有蘆泆腦之役沔協蘆

泆腦而潛棄楊家灘傅家灣隄不問矣潰而壑沔是以十八年沔有楊傅隄之役沔協楊傅隄潛棄郭家口張心潭等處

不問矣潰而壑沔是以康熙三年沔又有郭家口張心潭及傅家灣等處之役夫合沔之里民圩民併力潛隄希萬全也

豈知潛之總口大潰水之禍沔較數年前益烈潛恃有沔之協修築一口而潰一口總不悔禍於沔沔疲於潛之協修屢

修屢浚又不敢歸咎於潛是西湖一塊五年沔與景潛大水

分守荆西副使□□□以修隄不如修河議請濬旗鼓隄河

以殺水勢從之更名旗鼓隄河為通順河六年潛邑楊旺屯

營隄決荆安兩郡大興役隄成尋決七年兩郡大興役隄復



合八年四月隄復決兩郡興役如初九年五月隄成同知劉  
餘霖刻石紀之更名新豐隄十年十一月潛江班家灣先與  
後大決沔受患最酷派協夫堵築連歲皆舉大工民不堪命

陶大年曰漢水至鄖襄過郢至潛分二大股其一自夜汭河  
以南名曰荆河過監屬經沔蓮花港而下其一自張截港以  
北過景屬經沔仙桃鎮而下此入江故迹也其中一支河由  
蘆洲腦入潛乾河口經沔拖船埠綿亘沔復三百里與荆河  
水會入江昔時潛景沔監諸水所經之處各謹門戶無控訴  
無紛爭無所謂協修也水之患曷由聚沔哉禍發於排沙渡  
之潰而成於荆河之淤排沙渡潰則滄潛景波及於沔西北  
隅此控訴紛爭之始協濟之備也荆河淤則昔之水道二者  
止存其一水併力東下震怒沸騰於排沙渡之上下築右潰  
左築左潰右泛濫於沔之西湖浩蕩澎湃長天一色是水之  
怒激烈於潛而消洩於沔也譬如人張口濶腹止恃咽喉一  
線能保無虞乎不得已而議疏如白口泗港古支河湮塞無  
聞潛之屬如洛江河馬家嘴河越數十里而達沔業已深谷  
爲陵雖河形尚存然狹隘殊甚不唯無財力疏之即疏之亦  
沔陽州志卷三建置隄防

復無益即如古荆河水來則略通舟楫水去則行輿焉可疏  
乎不可疏乎不得已而議築築於此潰於彼何年不築何年  
不潰况沔防江水之潰南防仙鎮水之潰北防拖船埠水之  
潰腹自顧不遑而它迫以被髮纓冠之救百萬金錢空填  
波底可築乎不可築乎疏之難築之又難然則聽湮沒可已  
乎曰非也水有性水有勢水至併力東下相其潰口之成河  
者留一口以有消洩則順水之性殺水之勢所棄少而所全  
多斯水土兩利急策也然則棄地終棄隄乎曰非也水流成  
河岸可成田因其岸而隄之可立待也故疏河不如留口  
築河不如修院若必執古以泥今是求全得而反全失也

踰數年江陵石頭嘴隄大事修築派鄰邑協濟當事以其議

上聞奉 上諭荆不協安安不協荆由是沔邑未受協派

之累然荆門沙洋之汎隄向所派及江陵監利之三分應即  
停派而荆門僅收回五釐則強潛江代收一分強沔陽代收  
一分五釐未幾荆門報曹家灣創修月隄派夫四百萬餘名



應給工價十九萬餘兩沔陽復有協派自是而夫徭益重民

不聊生矣陶大年駁協濟沙洋月隄議江漢兩水他邑偏處

六百餘里詒頌岸頻年潰決百姓死徙不知幾千萬與荆門

同為安陸屬邑荆門沙洋隄一十八里藉隄工為奇貨援先

朝陵寢捐助之例於康熙八年內將姚家口指稱沙洋關廟

隄工板協三十餘兩去冬議修江陵石頭嘴奉

不協安安不協荆未云安之各屬皆宜協荆門也則沙洋汛

隄理應收回江監三分而荆門獨權勢自尊止收回五釐強

潛代收一分強沔代收一分五釐主修偏輕客修偏重此亦

不均不平之甚也在沔之生衿以為無此理無此事安然聽

之檄而不敢言荆門之非檄下之日敲比隨之於是荆門詳

報曾家灣創修月隄派夫四百萬餘名派價銀一十九萬餘

兩夫三州縣額賦尚且不及此數而何以外派反浮於正額

之理以水道論荆門處大河之西沔陽中隔潛縣相去三百

餘里處大河之東沙洋隄潰無害於沔不潰亦無利於沔驅

沔民而協荆門管之援溺者已見父母之沈淵掉臂弗顧而

反於數百里之外聞他人妻子有赴水之意即裹糧思往救

沔陽州志

卷三十一 建置

旱

之豈人之愚拙亦至此乎無如設計而頻趨者之橫且悍也  
以錢糧論荆門糧四萬石沔陽二萬石以隄論沙洋隄一十  
八里沔陽江漢兩隄干有餘里以弊例論陵寢已去弊例宜  
革且數百年偶行一次未有如今日喜其潰以罔利挾其協  
以肥私復更其名以外派一再再而三以一紙之板協為  
沔兒女之賣券者也若非上憲急救一方力革積弊則禍之  
蔓延無已時而沔之  
子遺鮮有噍類矣  
二十一年吏科給事中王又且請禁協

濟隄工疏曰竊湖北諸郡負漢水以居百姓以隄為命一經

潰決各官處分照黃河例革職督催立法亦極嚴矣然黃河

隄工歲支國帑有一番費用則有一番報銷而湖北諸郡縣

隄工皆問之百姓水利諸臣派夫議價遂得任意以為輕重

百姓既竭其力復竭其財本境既勞胼胝他邑又復告協濟  
嚴檄之下分身無術其厲民為最甚也臣查安陸府自鐵牛



關以下皆係鍾祥汎地又板潛江景陵矣潛江自長老院以下皆其汎地又板沔陽矣關廟係荆門州汎地又板潛江監沔諸州縣矣臣以為板協之不便其害有五天氣寒凝畚築斯興百姓裹糧數百里外多有餓凍而死者一害也夫役上隄到工完工不得不假於胥吏之手包折需索勢所不免二害也舍已芸人致使本境之隄一概廢弛三害也協夫不便因議協銀水利各官未必清白自矢苞苴既入私橐上司無從稽查四害也文牒紛紜從此爭辨動需時日致誤修築之期五害也而水利諸臣不肯毅然而去之者為其利在於已耳臣七年楚吏備悉此情誠有見荆安百姓之苦大半由此

沔陽州志 卷二 建置 隄防 里

臣查各州縣隄工多寡有七八十里者有一二百里者唯荆門州屬地隄工纔十餘里耳該州設有水利州同一員關廟一隄年年加帮是其專責臣在楚時見其一簣不施必俟其潰決而始告協於鄰邑曠官廢事 朝廷亦何樂有此坐視成敗之人使之虛糜俸祿乎臣請 皇上勅部永禁協濟之例使州縣各築汎隄地不得彼此板扯一有潰決照例處分庶免推諉其於兩郡之國賦民命不無小補也疏入奉

旨飭部會湖廣總督議行 黃里禁止協濟隄工碑記楚之荆安兩郡介江漢之間江流帶荆漢

派遶安而江之東南過安屬之沔陽漢之西支入荆之江陵監利是皆有分土矣自隄工協濟之議行勢家藉以板掣則主客易位而多寡勞逸之分殊矣且有風馬牛不相及而驅之往役賦工者多矣奸蠹因而牟利徵派無藝而侵蝕包攬



之弊滋矣此舍已而營人彼安坐而計功文移往來日月虛糜有辯爭之名卽有調停之術觸事增長爲變百方病民虐鄰莫此爲甚此給諫王公禁止協濟隄工之疏所爲兆民永賴者也公久爲潛令凡水道之所經過提封之別境壤較若列眉其築防固圍興事勸功靡有定處而協夫之議荆安兩屬東西交訂每攘袂抗爭迫於勢要未能粹奪睇視各屬不一其地而荆門之沙洋尤爲厲階之最隄僅十餘里在漢水之西合一州之力役督防有餘昔年藉口興陵外護板害四及派於江監潛三邑洵在漢東亦與焉已乃奉荆安兩不相協之諭江監舊派隄工三分已不相協荆門遂以一分加於潛江一分有半加於沔陽已之所取僅得餘分之半耳各屬趨沙洋如拱王畿而荆門之於各屬曾不得一舉畚鍤視漢東交協之困抑又甚矣旣而公以報最列省垣痛念往事遂麻舉荆安屬協濟五害敷陳入告而於荆門之板協尤三致意焉隨奉允覆勒爲明禁由是潛之民安而通郡各屬之民皆舉安昔漢詔有云與我共治天下者其良二千石乎夫昔之循吏以通溝洫障陂澤修隄防正經界爲首務然時過則已未有倦倦厯事後之思爲將來立善後經久之計者以斯列於循吏又出召杜之選矣公之治潛一以實心實政其作文教則立傳經書院審丈量別里賦則置田冊載之縣志他

沔陽州志

卷二

建置

隄防

里

屬鮮能行者今又有禁協濟隄工之疏以甦積困公之德溥矣沔陽以釋沙洋重負感激公尤倍於他屬將與公疏合各上台詳覆遵行禁諭鑄諸石以垂不朽里以沔人從諸紳衿之後竊喜爲是言以記公名又且陝西之郃陽人順治戊戌科進士其後鄰邑有大工作力不能獨舉則仍協派而院民皆樂從之則以利害所及不得不通力合作且皆按畝計費不似從前之濫派矣



開閘

以襟江帶河之區而春霖暑雨復與農家作仇倘宣洩無所則歎其魚者眾矣沔屬百里里分爲院院有高下田有水陸建閘以通消洩溝洫分明旱潦有備其卽周官遂人之遺意與志閘則

豐樂院石閘

在仁風門外俗名斷隄口道光三十年修洩城內外漬水啟閉之費以蓮花池稞租充用

小東門閘

在城東已塞之同仁門底以消城內漬水出大蓮花池

長樂閘

在太陽腦河口閘寬高各一丈餘道光十七年邑紳張鴻翹暨姪樹煊樹藩樹桂公建消通城院及大小

賽湖天鵝湖之水由楊樹峰出口順流出太陽腦入沙湖大河

長興石閘

在彭家場街頭嘉慶間修消大興院漬水

沔陽州志

卷三

建置

開閘

三

戚家口閘

在沔江北郭家等院漬水

虔興院閘

在里云口

印家場閘

消洋子院漬水

唐家口閘

消百石等院水同治六年忽潰

芭芒石閘

在石湖院係消洩排湖大柳十三院之漬水出雲潭等院嘉慶十三年總督汪志伊奏建

郭嶺石閘

在陽三院係消排湖雲潭等十七院之漬水出頭二三四墩等院嘉慶十三年總督汪志伊奏建

寫隄閘

消入墩等院水已廢

同樂閘

在陽三里豐樂院道光二十六年建

梁灘石閘

俗名皇閘在百全院內外雙閘中有天井嘉慶十三年總督汪志伊奏建消排湖上十三中十七下

入院並百全院同出梁灘閘達通順河



劉河閘 在朱許大院

手扒河閘

中溝閘 均濱紅廟支河消排湖下院水久廢

無量溝閘

魏閘 在臘湖院消排湖龍興十七院瀆水乾隆十四年巡撫唐綏祖奏建久廢

蔡閘 在猪小院係消排湖龍興十七院瀆水乾隆二十三年建久廢嘉慶間張世儒監修知州某贈勵俗風高額

周家閘 在通順河北岸消大石院水

彭家閘 在通順河北岸消大石院水

章閘 在老里云口

茅江閘 俗名老閘在新鎮街消監沔江陵三邑並洪湖水達江總督汪志伊嘉慶十三年修

沔陽州志 卷二 建置 閘

龍王廟閘 俗名新閘在新隄上五里消監沔江陵三邑並洪湖水達江嘉慶二十三年紳首劉應鑾建窖因工未堅實追鑿房產估賠至今未能開

放新閘現已修整係前任李軻任內

同慶石閘 原各孫家到在沔南濱洪湖消洩萬全等十三院瀆水道光開大水到壞咸豐八年監生陸本卓等督修光緒二年邑紳陸鍾澤

等因到小木壞改建石閘

豐城閘 在狗尾湖係永勝時合五豐季魚諸院公建水由閘出小襄河

恒豐石閘 在槍灣東隄光緒二年建係消五合順城大院瀆水

何家場閘 彭文泰捐重貲倡建知州葉治給秉公好義額刊碑

八潭溝石閘 在大陸院監生王太平與叔世榭捐重貲建修

成功閘 在襄河北岸消天

永奠閘 在襄河北岸消天河七十二院瀆水已廢



興讓里八號院開 武舉劉國璋建修

七號開 光緒十二年劉國璋建修

三伏潭開 光緒九年通院公建

永興開 光緒十二年唐金鼇尹相湯張聯奎李秉忠重修

鄆家嘴開 嘉慶十二年九合姚老毛家潭湖豐實順成等院公建內外二開後箱億荷李張老五院因協修姚

老部隄同消 漬水於此

永樂開 在西流河何求賢捐基地三十弓何德英督同院業修洩永豐樂耕等院水後圯光緒十三年庠生曾復

源李萃麓貢生汪榮相重修庠生汪藻有碑記

沈家場開 職員費應鍾顏宗茂武生文正煥建修

祖師溝頭開 在沙鎮上街嘉慶年間開溝建到掘出銅佛一尊重約四百觔乃建祖師殿供此像因以名到

泗陽州志 卷二 建置 開到 壘

魏河填開 消洩新興等院武朝一捐灘田三畝七分建修

留溝石開 道光年間陳定爵捐貲建修

洗腳湖五號溝石開 光緒十四年建

第九到石開 在新院石開上康熙年間朱麻院建後淤光緒十四年拔貢江玉樹監生吳崧等重疏

新院石開 在西湖口上半里許庠生吳致道阮星若許百琴建修

雙到石開 在小河口上里許消干倉院漬水

雙窰石開 在百石院後灘近王氏雙窰庠生陳文楷李殿卿建

新到溝 在小河口下同治開唐先海等新築李文林復濬今淤

乾興院老開 在里仁口上里許嘉慶年間建後淤塞院民在里仁口下里許重建新開

乾興院新開 在里仁口下里許為乾興二十七院消洩之所光緒十四年選拔萬大勛等整修



喬家溝石閘屬乾興院今淤

傅家閘毛范院建光緒十四年武生熊金標雷啟鼎重修更名曰福星閘

沔陽州志 卷三 建置 閘 吳



橋梁

泗介重湖之右沿城負郭皆為巨浸所恃以通往來而利行人者橋梁耳古者辰角見而徒杠畢火朝覲而輿梁成先王仁政之行此亦一端也不然盈盈一水問渡無由其能褰裳而涉也哉志橋梁

司馬橋

在建興門外舊木橋瑞州府同知潭士法改建石橋有碑記

司金橋

在長夏門外舊木橋貢生黃現洛改建石橋

文明橋

在南紀門外舊木橋乾隆五年國學生王頤捐金建石橋

東嶽廟橋

舊木橋貢生余成烈改建石橋

小橋

舊木橋太學生黃現芝改建石橋

泗陽州志

卷二建置

橋梁

是

拱橋

在建興門內

雲路橋

在仁和門即小南門外道光二十七年建

廣長社前石橋

名桂子橋江北許姓捐修後善士王賡言募修

官梁橋

木橋在楚望門外

漢津橋

舊木橋在永盛關後星沙王素瞻捐建石橋萬厓門復改木橋明末燬於賊國朝乾隆五年復建石橋

按漢津橋舊志云此通州孔道也橋舊以木後改石用石雖堅而水道稍狹上流難洩每值水漲湍急間有覆舟之厄萬厓間知州郭僑乃以木易石盛以巨艇環以鐵繩南北兩岸焚以餘石往來者皆得拾級升降而民始利涉崇禎癸未賊燬國朝乾隆五年冬郡侯禹殿鼇偕捐千餘金重建石橋

曹家口石橋

舊有木橋嘉慶間知州椿齡倡捐易作石橋張錫穀有引

雙濟橋

嘉慶知州潘鏡齋倡捐重修張錫穀有碑記載文徵



望柳山橋

舊木橋業民方公秩建雍正六年水  
沖毀國學生王宗鎮妻趙氏捐修

柳口橋

傾頽年久今止橫略約以濟  
方輿紀柳家渡在縣  
東北四十里弘治十二年改建柳家橋公私便利

平政橋

在上江北王家牛  
行門前木橋是也

答家橋木橋在七里城後

永固橋石橋在城北里許

即平政橋北  
磚甕橋是也

東河口木橋在唐家渡口

下江北石橋在城東四里

於家渡木橋

倪家渡木橋

官路利城橋在城西北四里

咸豐七年張  
源茂募修

沔陽州志

卷三

建置

橋梁

吳

仁和橋在馬家套

陶家台橋木橋在城東北四里

西河口木橋

童海口木橋二在城西十五里

戚家口橋

郭家河橋木橋在城東十五里

蓮子口橋木橋在城南十五里

謝仁橋原名虹腰橋在城南二十里

浮橋石橋在州西春夏水泛則行舟

通志

羅泊橋在南方西灣院吳德言兩次建修



公義橋在白一里渡泊潭陳李張陶艾五姓屢次修整傾圮後陳開贊等不惜捐資修

復新橋在南方白一里

三元橋在萬泉潭門首陳佐公子孫建修如有頽壞佐公子孫仍將引港古埠口水腳錢修復世世賴之

八步橋在彭家場後二水環繞景物清幽不數武有二橋焉時人名曰八步橋

大公橋在琵琶潭北二里郭子方建有碑

桂子橋在八合院白菓樹嘉慶二十年正光改作石橋

林公得勝橋在沙鎮唐志科記江陵廩生林公名天植字立甫咸豐初粵匪倡亂蔓延楚南北連陷

沔陽州志卷三建置橋梁

州府城不可勝數三年冬湖北省城既復仍陷郡縣望風瓦解楚民塗炭不堪公於四年秋奉荊州將軍令團練義勇師次沔南境適某公失機兵潰逆勾連土匪李喜貴勢猖甚七月初公督率沔南十三保奮勇與茲橋南北義旅身先士卒冒矢石東方團長文學張家瑛武庠張大勳及管帶推排之藍翎軍功張正起同村范魯李諸公等與賊鏖戰石山港上灣施放推排擊傷賊黨共斃數百人擒李喜貴斬之賊黨四竄公次橋西見舊橋壞命以所獲浮橋易而新之並加濶焉往來行人樂其坦蕩咸稱曰林公得勝橋且欲勒石紀功而以文屬余余向者嘗以賊黨宜散良民宜安士氣宜伸累數百言上於公公擊節稱善由是至沙鎮移師漢陽朱儒山漢川繫馬口收復漢川縣城與欽憲曾公提憲雙公形成犄角兵不血刃而省城以復漢黃府城及各州縣無不先聲奪人公之績誠偉矣而究其能成此大功者則善與人同也今賊雖退而盤踞下游根深蒂固諒亦非和衷共濟莫與摧鋒陷陣執俘獻馘也余知公軍鋒所至皆將獲勝而於茲橋則建功之始故承里人之屬而謹記之且令人之斯橋者念其功而不忘其人云

通城橋在江北里向河填知州王廷楨捐廉買石倡修生員



向承平等伙助監修

福星橋在新增里田下院軍功趙謙士修

石橋在新增里南老院湯光炳建修

萬壽橋在東方陽三里紅土院羅家店驛道舊水梁傾圮陳

希祖王心爽倡首募化積費二千餘緡改建石橋希祖業醫

現年八十

泗港橋在州東十里通志今廢

孫江口橋在州東七十里通志今廢

劉家渡橋在州西十里渡接中埂隄知州郭僑重修通志

江北橋通志

沔陽州志卷三建置橋梁

平

侯埠橋通志

樂善橋在興讓七號埧為天沔要道光緒三年武舉劉國璋

捐修同里李錦瑞捐田十畝監生鄒斯祥捐田一畝為修整

費十二年國璋又監修兩岸石級

豐樂橋

永安橋

石橋在十全院中東隄口

太平石橋在仙鎮龍華寺前砌石以通兩渠積水長數十步

綿亘如虹夾岸煙柳故平橋春漲為仙鎮八景之一後橋梁

淤淺石址猶存



太平木橋在石橋之南跨古錦瑞河爲之

多福橋在仙鎮新碼頭

萬安橋在仙鎮跨河以達西岸

雙龍橋在埠灣街因街後東西二河故以雙龍名光緒十一年改水爲石

二老坡在江北里蕭義相暨妻劉氏年老好善出所積金修石坡四道以濟行人故名

王家湖溝石橋二湯光炳建

喜公橋在上平里王子喜建

明到石橋距圓覺寺半里劉欽建

沔陽州志

卷三

建置

橋梁

至

范漑關石橋光緒拾肆年監生鄒振南耆民徐志興等倡首重修

峰口三汊河橋光緒十二年邵慶彪等建

池家木橋在西方池家灣

長埭口永安橋光緒十四年劉伯功等建

唐市木橋田士海建後改建石橋

百子橋在南方直五里長河渡周惟炳與妻洪氏年皆五十餘無子建橋年餘生子故名

三伏潭上橋耆民舒文忠等倡修下橋貢生榮光椿等倡修曾家石橋在麻港河



永豐橋在里仁口俗名大橋口  
董家橋在里仁口

沔陽州志

卷三

建置

橋梁

三



古蹟 坊表附

沔為澤國陵谷遞遷古蹟得存於今者幸矣又可聽其  
銷沈磨滅而莫為之紀耶茲凡城郭亭臺之故址良牧  
鄉賢之勝迹皆所必錄而是邑孝子節婦貞烈之坊表  
亦附見焉俾後之人有所觀感而興起也豈僅供騷人  
韻士一時之憑弔哉志古蹟

邳國故城在州境余益祀邳邳二國辨天門志載程大中邳  
爵其一為邳其一楚滅邳封邳辛為邳公是為邳國其一羅  
號妘子據通典路史邳邳為二國考春秋彙纂邳無爵姓邳  
子爵無姓邳邳信非一國矣然謂邳爵子邳無爵不顯與左  
氏邳子之言悖乎邳人見於桓十一年不自封辛始以邳國  
專屬辛可乎杜注羅熊姓彙纂羅熊姓或偃姓惟邳妘姓子  
爵夷妘姓無爵謂羅妘子可乎邳辛所封據漢志竟陵注楚

沔陽州志

卷三

古蹟

坊表附

鄭公邑水經注竟陵大城古邳國沔陽志邳在景陵以今天  
門為辛封邑似已然史記楚世家王走邳正義引括地志安  
州安陸縣城本春秋時邳國城元和志安州春秋邳子國後  
為楚滅封邳辛為邳公即此寰宇記安州春秋時邳子國楚  
滅邳封邳辛為邳公即其地故城在涇水之濱一名石僮故  
城案漢水入沔二百里得涇口又三百里得邳城即楚邑也  
據水經石僮係石澗水經涇水篇隨水又西南經安陸縣故  
城西故邳城也沔水篇水西有竟陵大城古邳國也邳公辛  
所治所謂邳鄉矣夫邳國在安州諸書言之詳矣而水經安  
陸縣故城獨曰故邳城竟陵大城則曰邳公辛所治意安州  
實軍蒲騷之邳楚滅之封邳辛於此後或徙治竟陵歟不然  
酈注何以謂安陸縣為故邳城竟陵大城為邳公辛所治也  
杜預謂邳在雲杜縣東南不主安州殆杜氏誤矣許慎云邳  
漢南之國漢有邳關攷安州竟陵均在漢水之北惟雲杜在  
漢南邳關見史記貨殖傳張守節誤以為洵關王伯厚曰漢  
志漢中郡長利縣有邳關今商州上津縣萬氏集證今邳陽  
府邳縣西有邳關水經注漢水又東逕邳鄉縣故城南即長  
利之邳鄉矣地理志曰有邳關李奇以為邳子國晉太康五  
年立以為縣是邳關固不屬安州與竟陵郡新陽縣縣治雲杜  
雲杜今京山縣考水經注涇水出竟陵郡新陽縣縣治雲杜



故城分雲杜立趙一清日京山即新陽縣故治寰宇記京山  
歷晉宋以來為新陽縣一統志主之然方輿紀要言京山城  
在景陵縣北齊梁置京山縣隋廢入景陵因角陵為京山縣  
嘉慶通志京山漢竟陵縣地晉析置新陽縣西魏為角陵隋  
曰京山天門縣志新陽縣即今阜市據此則今京山固魏角  
陵非雲杜也知京山非雲杜更由漢志雲杜縣左傳南  
酈注水經酈水又東南過江更由漢志雲杜縣左傳南  
考酈水經酈水又東南過江更由漢志雲杜縣左傳南  
沔陽無疑若軍蒲騷之即人吾以為為在今德安何也考彙纂  
貳今應山境軫今應城西蒲騷應城北三十里德安南應城  
北應山即將伐楚盟貳軫之師而軍其要害惟蒲騷為適中  
蓋軍近郊之邑既恃其城為藩蔽中立貳軫兩國之間自可  
扼貳軫之吭以離楚人盟會之交而制其命此莫敖之所由  
患也豈謂其便於聲援哉如謂酈在雲杜東南則距蒲騷已  
遠鬪廉何以謂酈人軍其郊而恃其城乎若據寰宇記雲  
有烏徒村為令尹子文生處則天門志不亦有於菟湖乎  
生鬪於酈城春秋時酈文也天門志不亦有於菟湖乎  
實本元和志括地志寰宇記水經注出規必以雲杜為是酈  
非却抑何固執若是耶蓋却在沔陽鬪辛封邑在天門酈關

沔陽州志卷三

古蹟

坊表附

二

在酈縣無可疑者泥一盟會圖却在安州之語遂欲盡廢諸  
說其亦拘甚水經酈以湏水得名洪山一名湏山在今隨州  
京山之界概以屬之雲杜然歟若酈縣即晉雲鄉縣李奇以  
為酈子國程以為古糜國或酈同姓居於是考嘉慶通志酈  
陽府春秋時為糜國不言酈國彙纂糜子爵  
或祈姓亦不言酈同姓也亦又程氏之疏矣

州陵故城據周濟晉畧州郡表在今監利縣東南三十里一

統志乾隆圖志俱云在州東南

劉恭冕曰水經江水注江水  
中有沙陽洲江之右岸有雍

口亦謂之港口東北流為長洋港又東北逕石子岡岡上有  
故城即州陵縣之故城也又東逕州陵新治南王莽之江夏  
也則州陵有二城相距當不甚遠言新治者或梁時所移置  
歟余益杞曰案漢書地理志州陵注莽曰江夏是漢之州陵  
即莽之江夏也酈善長既言州陵故城又言州陵新治即莽  
之江夏不以莽之江夏屬州陵故城而屬州陵新治何也意  
州陵故城本春秋時州國漢因其城立以為州陵縣故曰故  
城也州陵新治即王莽之江夏意莽廢漢州陵縣而立江夏  
移治於此光武中興因莽江夏而復州陵之名故酈注謂州  
陵新治為王莽之江夏也劉氏疑梁時所移置水經注不當



以新治爲王莽之江夏當云梁某年徙置矣或曰吳廢州陵晉復立州陵移置於此亦於水經原文不合

惠懷故城一統志乾隆圖志俱云在州西案水經夏水注言夏陽水東北逕惠

懷縣北而東北注在雲杜縣西南則惠懷故城當在今沔陽西境或潛江東境矣

綏安故城一統志乾隆圖志俱云在州西案宋書州郡志孝武帝孝建二年度

長甯之綏安屬巴陵明帝泰始四年以綏安縣併入州陵則綏安南宋已廢矣而周書梁臺傳孝閔帝武成中從賀蘭祥征洮陽先登有功別封綏安縣侯詔聽授其子元慶則周時又有綏安縣也

復州城雍正通志在州北二里嘉慶通志在州志西唐置宋

端平初徙治沔陽鎮即今州故志同乾隆圖志在州西童承叙曰

西魏置建興縣後周於此置復州則是城非特唐置也方輿紀要同

建興故城據隋志西魏置縣曰建興舊志云在今州城北二

沔陽州志 卷三 古蹟 坊表附 三

里嘉慶通志今州城明初循舊址築仍餘東北之半案南史宋文帝

子竟陵王誕傳上遣送章二紐一曰竟陵縣侯一曰建興縣男周書許孝敬傳又有大將軍李廣沌口之役爲吳明徹所擒被害追封建興縣公是劉宋與周皆有建興也然宋書州郡志湘州邵陵太守領縣建興齊志亦同魏書地形志梁州城陽郡領縣五亦有建興要皆非此建興也

沔陽故城元和志云梁沔陽縣即今縣東三十里沔陽故城

是也今沔陽縣即後魏所置建興縣隋大業三年改建興爲

沔陽又郡國志云沔陽縣即楚王城也

童承叙曰故志引郡國志楚王城元和志雲杜縣地圖經宋至道三年省沔陽縣爲鎮併其地入玉沙按宋端平三年復州景陵并徙沔陽縣廢六百餘年所謂廢縣即今城故志據圖經而言之耳劉恭冕曰寰宇記沔陽縣本漢沔陽縣地胡三省通鑑注引宋白說同案漢沔陽縣在漢中郡去此甚遠若南郡江夏郡更有沔陽則兩沔陽當以東西別之今既



不爾知寰宇記及宋白說皆誤胡三省通鑑唐高宗開耀元年注隋復州治沔陽沔陽晉縣即魯山鎮也案沔陽立郡立縣皆始於梁趙一清江沔陽注釋云據沈約志陶侃為荊州治沔如不繼沔江見通沔陽志作沔時已有沔陽矣按陶侃初陽縣之文不得沔陽晉書有沔陽之文此縣下證亦考地志絕無晉置沔後治建興亦無治沔陽之文大業後雖改建興為沔陽而復州亦改沔州不得謂復州治沔陽矣余益杞曰寰宇記漢陽下引三國志魏初定荊州屯沔陽以為重鎮初使文聘為江夏太守繼屯沔口攷魏書武帝紀十三年公進軍江陵以文聘為江夏太守文聘傳聘為江夏太守別屯沔口樂史言屯沔陽以為重鎮史無其文寰宇記又云晉立沔陽縣屬江夏郡故晉書云永嘉六年王敦表陶侃為荊州刺史鎮沔州蓋即此考方輿紀要漢陽府下云初立沔陽縣為江夏郡治其漢陽縣云東晉於臨嶂山下置沔陽縣其沔陽城云祝穆云魏定荊州屯沔陽為重鎮晉立沔陽縣江夏郡移理焉永定六年湘州賊杜崱別將王真襲沔陽武昌太守陶侃擊却之建興初侃為荊州刺史屯沔口明年移沔江即沔陽也亦謂之臨嶂城沔陽亦作沔陽大興二年荊州賊杜會擊敗州兵逕造沔口豫章太守周訪擊之訪追至沔陽宋齊皆為沔陽縣云云攷水經江水篇注沔水上承沔陽縣之太白湖東南

沔陽州志

卷三

古蹟

坊表附

四

流為沔水逕沔陽縣南注於江謂之沔口有沔陽都尉治晉永嘉六年王敦以陶侃為荊州鎮此沔水篇注沔水又東逕沔水口水南通縣之太白湖湖水東南通江又謂之沔口沔水又東逕沔陽縣北處沔水之陽也沔水又東逕臨嶂故城北晉建興二年太尉陶侃為荊州鎮此也又考晉書愍帝紀建興元年秋八月杜崱別將王真襲沔陽冬十月陶侃討杜崱於石城二年王真襲侃於臨嶂又陶侃傳鎮於沔口又移人沔江又考宋書地理志江夏郡領縣沔陽江左立是晉只有沔陽非沔陽也沔口今仍舊稱沔口即今漢口沔江猶云漢江俱不敢據為晉有沔陽之證宋書又言荊州刺史陶侃前治沔陽後治武昌證以南齊書州郡志荊州陶侃為刺史治沔口益可知沔陽為沔陽字以相近而訛方輿紀要祝穆魏屯沔陽云云祝穆實本樂史而晉書酈注皆只有沔陽無沔陽顧氏乃謂沔江即沔陽沔陽亦可云沔陽然歟又晉書謝安傳桓石虔有沔陽之功石虔傳奮威將軍南平太守符堅將入寇竟陵石虔與弟石民力戰破之即所謂沔陽之功也安可據為晉有沔陽之證哉劉說是

玉沙故城乾隆圖志嘉慶通志在州東南宋置縣元移治沔



陽鎮而此城廢方輿紀要引城邑考在今州西南五十里一  
統志在州東南州志云大江北岸有江北城東西北三面遺  
址尙存惟南面爲水所嚙相傳爲玉沙舊治雍正通志江北  
城宋乾德三年置玉沙縣有玉沙草堂是江北里卽玉沙城  
也童承敘曰宋乾德三年置玉沙縣寶元二年始廢沔陽縣  
不應二縣並置一處今監利縣東六十里有廢縣去沔道里  
亦稱是當爲宋玉沙縣故治蓋玉沙在沔陽監利兩邑之間  
故熙甯廢玉沙入監利元改沔陽鎮以玉沙附郭蓋是時始  
治州北也由童說推之則城邑考以玉沙在西南五十里其  
說近是余益杞曰五代史高季興傳注及五代史補云高季興以兵襲取復州之玉沙監利二縣攷通鑑事在後  
沔陽州志卷三古蹟坊表附五

唐莊宗同光二年案升白沙徵科院爲玉沙縣係宋太祖乾  
德三年事文獻通考太平寰宇記沔陽州故志荊州府志並  
同後唐同光時何以卽有玉沙存疑以備參考

石城在州東南劉恭冕曰後漢書王常傳建武中山桑侯王常薨子廣嗣三十年徙封石城侯李賢注石

城故城在今復州沔陽縣東南舊志引復州圖經同案通典  
復州下云沔陽有石城在東南三百里不言王廣封此章懷  
所言未知何據童承敘引方輿記謂石城爲保聚之所非縣  
名其說良是通鑑晉元帝紀太甯二年事鄧騫說甘卓曰  
使大將軍王敦克劉隗還武昌增石城之戍絕荆襄之粟將  
軍安歸乎胡三省注賢曰石城故城在復州沔陽縣東南案  
甘卓駐軍賭口在沔陽之南案石城在復州石城仍在賭口東百里  
襄陽何爲有安歸之懼考晉書庾亮乞移鎮襄陽之石城下  
又羊祜傳云吳石城守去襄陽七百里此卽晉竟陵郡所治  
之石城二石城皆甘卓旋師經行之地鄧騫所指  
不知於二者何屬然決非復州之石城胡注誤也  
節錄石城辨附石城郡二石城縣六惟後周所立石城郡  
乃今鄂州其丹陽之石城見漢志餘皆後代所立並非此



地後漢建武三年功臣子徙封者五人山桑侯王廣徙封石城是皆以縣徙縣非徙鄉亭惟李賢注謂石城在今復州沔陽縣東南而復州圖經遂以為斷然謂石城在沔陽東南漢王常子廣封石城侯通典復州下亦云沔陽有石城在縣東南三百里不言王廣封邑若廣封此則石城之名當見於續漢書郡國志志既不載則復之石城非縣明矣攷廣輿紀云在縣東南三百里古保聚之所又鎮戍以石城名者不止一處如晉庾亮乞移鎮襄陽之石城下又信陽軍圖經云自石城徙居仁順又云魏文帝所立義陽縣蓋在石城今鍾山東南石城山故石城是也是則信陽郢州復州皆有石城矣晉羊祜傳吳石城守去襄陽七百里今郢之石城即吳之所守去襄陽止二百四十里然元和志云郢州長壽縣石城又云縣城本古之石城吳於此置牙門戍羊祜鎮荊州亦置戍通典云郢州分置石城郡後於石城置郢州隋志云郢州長壽縣後周置石城郡則郢州石城正羊祜傳中吳石城守也又以今之水程計襄郢相去七百里則與羊祜之言合故復之石城可以言鎮戍不可以作封建可以稱形勝不可以稱縣邑余益杞曰案紀要鍾祥縣石城在府城西北沔水經注沔水南經石城西城因山為固晉羊祜鎮荊州時立元和志長壽城本

# 沔陽州志

## 卷三

### 古蹟

坊表附

### 六

古之石城吳於此置牙門戍晉羊祜亦置戍惠帝置竟陵郡治石城建興三年陶侃圍杜曾於石城咸康五年庾亮欲移鎮石城義熙十一年魯軌留屯石城梁大寶初西魏將楊忠南侵取安陸竟陵乘勝至石頭西魏因置石城郡據此知羊祜所鎮庾亮欲移皆為郢州石城李賢胡三省指王廣所封為復州石城誤劉氏以為二石城亦未盡合也

魚腹城舊志在州東五十里輿地紀勝方輿紀要均作魚腹

在故沔陽縣東三十里依此則在今州東六十里此與石樓

青林諸城皆屯聚之所今圯無存寰宇記在縣東十五里

石樓城乾隆圖志通志舊志在州西十五里一統志云縣志

三陽湖側有故小城即石樓城方輿紀要作州西十里

楚王城方輿紀要云今州治在其南圖經謂之楚王城俗亦



名七里城寰宇記引郡國志沔陽縣即楚王城

七里城見上

青林城一統志乾隆圖志通志在州東故志在州東十里方輿紀要同輿地紀勝在玉沙縣東北十里

雲杜故城通典在沔陽縣西北寰宇記在今縣西北乾隆府廳州縣志嘉慶通志與李賢注後漢劉元傳同案水經沔水

又東南過江夏雲杜縣東夏水從西來注之酈注云即睹口也又云沔水又東與力口合有澗水出竟陵郡新陽縣西南

池河山作河地誤東流逕新陽縣南縣治雲杜故城分雲杜立趙

一清說今京山縣即晉新陽縣故治而新陽所治又即漢雲

沔陽州志卷三 古蹟 坊表附 七

杜故治方輿紀要雲杜城在景陵縣東南天門志縣北門外

又云直陽市城隍臺疑即雲杜城則雲杜城似不在今沔陽

矣余益杞雲杜考寰宇記曰雲杜漢為縣故城在復州沔陽縣西北通典同嘉慶通志引元和志沔陽廢縣雲杜縣地

乾隆圖志與李賢注後漢書劉元傳同嘉慶通志沔陽兩漢三國晉宋俱雲杜故城在州西北而雍正通志謂鍾祥漢雲

杜京山兩漢三國晉俱雲杜沔陽獨晉為雲杜此不可解也天門志一云雲杜故城在縣北門外一云縣西北市口一云

直陽市城隍臺一云雲杜本漢縣梁於此置沔陽郡通鑑辨誤梁置郡於沔陽縣地李賢注後漢書雲杜在復州沔陽縣

西時郡即縣地嶽賢沔陽縣志天子時復輿地廣記雲杜縣地梁置沔陽郡而方輿紀要既云沔陽州治雲杜縣又云景陵

縣東南有雲杜酈注酈注云經河水又東南過江夏雲杜縣東郡治沔陽不自抵梧乎水經河水又東南過江夏雲杜縣東

夏水從西來注之酈注即堵口也案堵口在沔陽界又云梁沔陽今二湖之間禹貢雲土夢作父故縣名取焉又云沔水又東

與力口合有澗水出竟陵郡新陽西南池河山一本澗水又東逕新陽縣南縣治雲杜故城分雲杜立河案府志澗水俗名東



南流至京山縣城又東會諸水至天門縣北入漢水  
志云京山縣城在漢水之東漢水之南其水之出也  
合志云京山縣城在漢水之東漢水之南其水之出也  
回志云京山縣城在漢水之東漢水之南其水之出也  
云志云京山縣城在漢水之東漢水之南其水之出也  
河志云京山縣城在漢水之東漢水之南其水之出也  
郡志云京山縣城在漢水之東漢水之南其水之出也  
山志云京山縣城在漢水之東漢水之南其水之出也  
記京山縣晉宋以來為新陽縣趙氏始本以京山為本府志釋京  
記水經注歟攷水經夏水又東逕監利縣南西南自州陵東  
逕於雲杜沌陽水經注後漢書地理志云漢水出於京山縣  
陽鄰京山在沔西北雲杜之非今京山明矣酈注又云夏水  
又東夏揚水注之水上承揚水於竟陵縣之柘口東南流與  
中夏水合又東北逕惠懷縣北而東北注故一統志酈注其下  
經云又東至雲杜縣入於沔酈注引應劭十三州記決入之  
口謂之堵口夫夏水由監利夏揚水由天門均逕堵口入漢  
在漢陽沔陽之界何緣逆流而上至天門下隔漢川之京  
山乎何以天門漢川非雲杜而京山沔陽相距二百八十里  
轉與漢陽鍾祥皆為雲杜乎且寰宇記既云雲杜漢為縣故  
城在沔陽縣西北又云京山晉宋以來為新陽縣彼京山中  
隔天門何以雲杜故城在沔陽而治雲杜故城之新陽轉為  
京山乎意分雲杜立新陽縣時雲杜已徙立新縣或在竟陵  
東南沔陽西北不然酈善長何云治雲杜故城不曰廢雲杜

# 沔陽州志

## 卷三

### 古蹟

坊表附

立新陽也何云分雲杜立不曰廢雲杜立也且方輿紀要云  
京山縣漢竟陵縣地後漢竟陵南新市二縣地晉因之晉惠  
帝時析置新陽縣嘉慶通志畧同既不主分雲杜立新陽之  
說而歷攷地志雲杜至後周始廢新陽晉時已立則今京山  
縣即為晉新陽縣決非雲杜縣治可知矣天門沿革表東晉  
分竟陵縣東北部置雲杜交今京山境更由方輿紀要齊梁  
京山隨廢入竟陵改角陵為京山數語推之則京山或東晉  
分置之雲杜而沔陽西北之雲杜城的屬漢雲杜矣際訪漢  
陵縣屬新陽縣屬古京山在景

魯公城却月城據故志江口黃蓬山有城相傳為却月城童

承敘曰水經注魯山左即沔水口沔左有却月城沙羨縣治

也黃祖所守余益杞曰水經注江水又東逕魯山南古翼際

山也山左即沔水口矣沔左有却月城亦曰偃

月壘戴監軍築乃故曲陵縣也後乃沙羨縣治童庶子刪去  
故曲陵縣及後乃二字似有未安又考郡縣志在漢陽縣北  
三里則此城不在沔矣案元和志却月故城在漢陽縣北三  
里此郡縣志所本也寰宇記漢陽縣却月城與魯城相對作



城以其形似却月故荆州記云河口北岸臨江水有却月城  
魏將黃祖所守吳遣董襲攻而擒之其城遂廢却月城之在  
漢陽信矣方輿紀要黃蓬山延縣環結上有却月城雍正通  
志天門縣却月城在河口相傳黃祖守處此二說余嘗疑之  
通志黃蓬山有魯公城俗傳吳魯肅屯兵於此方志黃蓬山  
圖山有古城城外有臺黃蓬山攷山上有古城城外有臺相  
傳魯肅屯兵處攷三國志吳魯肅與周瑜程普等破曹操於  
烏林其後代瑜鎮陸口食邑四有州陵則以臺屬肅例以漢  
陽之魯公山監利之魯湫江天門之魯公城當更確也若山  
上之古城竊疑爲水經注之州陵故城何也以黃蓬山有石  
靈峰而水經州陵故城在石子岡江自北螺山以下新灘  
以上舍此小阜固不足以當岡名亦更無古城遺跡也

古城在州西十里爲陳友諒起兵處今尙有騾馬臺繫馬鐵  
椿時隱見焉

蓮花池在東門外其池南北相麗中有橋爲通衢明都指揮  
王閏卽北地之濱爲兩松山閣故址尙存又有釣臺時與士

沔陽州志卷三 古蹟 九

大夫吟咏移日天下高士若郭清狂吳小仙輩往來結社嘉

魚李大崖雅重之題以東莊春雨 國朝禹殿鰲東沼觀蓮  
詩聞說蓮池景正佳何年

玉女散天花偶然翦拂開生面長此芳馨徧物華好月舒光  
如對鏡清風弄影自披霞同人幸與親君子日可攜琴便

虎膽池在楚望門內舊衛署右側餉歸潛邑完納

鴛鴦池在昔沔巷大門外右隅同治間因添號舍移菴於三  
保街此池遂填

湧玉泉在城北相傳古有泉流出沙白如銀故名疑卽白沙  
水也亦稱湧玉陂

陸子泉雍正通志州西廣教院一名文學泉因唐陸羽品泉

得名 裴迪有詩一  
日在今天門



萬人井在荆南門外二十步口徑七尺五寸可飲萬人

滌塵井在元妙觀內久閉

聚奎井方志在東門外

鹹池井在范漑關街南温如湯味似鹽日出不窮後經大水

浸灌鹹味稍減

繡花隄在城南詳雜記

大隱林小隱林寰宇記引郡國志云南有隱磯山是漁父釣所雍正通志在州南相傳屈原遇漁父處方

來尋大小隱林故址詩芟裳解處宜盤礴棲隱何須待買山若有人馬烟雨內魚村蟹郭釣潺潺

馬骨坡楚平王牧馬馬遺骨於此寰宇記

接旨坡相傳明丞相胡美於此接旨

沔陽州志 卷三 古蹟 坊表附 十

雪坡在城東隅報恩寺西陳文燭雪坡草堂記郡城之東隅封崇爽塏者惟報恩寺寺西有池

屹然而峙每遇雪天林邱積素迥異它處人言雪坡云去先按察公大業堂才步武耳不穀憇馬避暑寺中間誦釋典氣

茂三知情迨六入皆清涼境也方構數椽華門圭竇而海內同志或開府於鄂渚郎西之間或秉憲於荆岳斬黃之許分

俸賦之助成厥盛因憶昔時有林君景思者結廬天台傍日雪巢而楊廷秀賦馬中言厥人寰之喧卑薄市門之囂塵入

窗夜明萬山失碧巢成雪至雪與巢會式瑤我室式珠我扉俗子標門懼點勝概不穀有心前代揆之又諸公誼至高亦

楊子所稱霞外雲表矣嚴劍南遺草堂之資于襄陽惠買山之錢豈獨一念微向古人先之哉遂顏其堂為雪坡而記之

熨斗陂據故志引寰宇記滄浪之水其側又有熨斗陂案樂史記

景陵縣夏水郡國志古滄浪之水漁父歌於此其側又有熨斗陂存夫夏水即漢水亦即沔水故夏口今日漢口亦曰沔

口也寰宇記屬之景陵天門志不載沔故志有之童士疇據宋吳獵傳獵知江陵於赤湖城西南邊走馬湖熨斗陂之水

西北寘李公匱以限戎馬謂此陂當在江陵然水經注夷水又東注於沔昔白起攻楚引西山長谷水即是水舊竭去城



百許里水從城西灌城東入注爲湖今熨斗陂是則是陂宜城有之嘉慶通志已據酈注載入宜城矣雍正通志熨斗陂當陽縣東南八十里嘉慶通志同郡國利病書亦云綠林水逕圓台山滙爲此陂其敘吳獵事並同而方輿紀要熨斗陂當陽縣東南八十里述志云綠林山之水與縣東六十里圓台山之水滙爲此陂又縣北八十里亦有此陂宋吳獵嘗過水以限戎馬是郡國利病書與兩通志當陽惟一熨斗陂方輿紀要且增爲二矣吾嘗遍考諸書江陵無熨斗陂惟載吳獵修滙置事則童志疏也通志於沔陽水利謂陂在滄浪水旁蓋沔自爲寰宇記之熨斗陂而非酈注獵傳之熨斗陂也又考郡國利病書方輿紀要及鍾祥縣志有熨斗湖天門縣志亦有熨斗湖咸甯志有熨斗山河之陂其亦猶鍾祥天門之湖咸甯之山也已

烟墩口一在浮圖院張家灣離城五里一在西方黃李院舊址仍存

寨口在新增里新興院廣二十餘畝春夏之交細草如茵里

沔陽州志卷三古蹟坊表附 十一

人不敢開墾相傳爲陳友諒札寨處寨東走馬嶺亦友諒習騎射地

操軍廠廣五十畝在南鄉相傳魯肅演武處

望仙樓一統志在州城上明一統志宋晏殊類要云刺史鄭

肇建康熙年間圮

迎恩樓在仁風門外蓮池中舊有八角亭亭中有額爲唐刺

史狄梁公聽政處後亭圮額亦燬亭前後有橋爲余氏所建

乾隆三年知州禹殿鰲率貢生魏元履太學生馬世傑等鼎

建茲樓懸豁免民欠錢糧 聖諭額於樓故名之迎恩池

中遍植菡萏紅白相間



奎璧樓在迎恩樓北舊有亭亦名奎璧順治問知州宣文衡

取風水成文之義易名渙亭年久俱埋圯雍正十二年知州

禹殿鰲率紳士劉元沛等鼎修為重樓上供魁星像樓下雜

蒔桂柏修竹景物幽曠頗娛心目明費尚伊詩登臨此日有羣公雁激鳧洲眺賞同綵

鷓似浮天上下畫橋虛映彩西東燃藜光燦尊前月載酒涼

生柁後風醉采芙蓉歌一曲分明人在玉壺中水色天光

澹若無偶從飛閣俯平湖雲連百雉情堪眺斗躍雙龍近可

呼檻外酒船隨雀舫坐中詞客採驪珠欲尋歸路知何處苦

竹祠邊柳數株國朝禹殿鰲詩盛代文章濯錦鮮奎章閣

起紫雲聯開懷但得同稱爽從事難言我獨賢池上醉餘山

簡酒月中吟覓孝廉船此番風景真堪賞雨後行村卜有年

仰北樓舊志云在州北景泰時建今廢

仁風樓東門城上舊名漢江樓

泗陽州志卷三古蹟坊表附

烟雨樓在州東門外一統志云在州北恐誤不知始何時下有

大蓮湖輿地紀勝云郡守王知新有煙雨樓詩久佚國朝劉昌齡詩

小蓮湖憑欄極目應接不暇朱樓聞說復城東春日輕寒度曉風畫棋浮烟繞細細碧窗

飛雨漸濛濛鏡含兩水雙虹落樹擁千家一黛通憑眺何處

尋住迹蒼茫雲氣滿虛空王恢詩烟雨空濛際茲樓尚臨

然層雲胸背盪疊岫黛嵐鮮遠鶯迷沙嶼饑鷹掠稻田憑虛

風浩浩縹緲似遊仙傅卓然詩高樓縹緲聳蒼岑烟雨霏

霏自古今三澁水橫雲夢遠萬家春入復城深東窺井里思

來良夜好月花滿地看清陰

叫佛樓在報恩寺內今廢

勅書樓在城內明布政使陳文燭建今廢陳文燭勅書樓記

誥命若干軸有勅諭制策若干篇建樓寶之恭題曰勅書樓

大哉王言如絲如綸蓋先大夫之意且合來世榮華哀而篤

忠貞也有客登樓獻圖十二且曰金刹當軒玉虛橫牖雪凝

朱閣月掛荆樓此前景也旗纛五尋學宮萬仞建興迎曙楚



望連雲此後景也緣楊烟雨翠竹亭臺東沼仁風西城夕照  
左右景也吾子覽勝而樂焉不穀撫然曰文燭自乙丑事肅  
皇帝官廷尉十八年矣穆皇帝庚午以江淮大溢遣戶部郎  
中賑饑時督臣議行海運用燭守淮安今皇帝改元以輔臣  
言更儒臣璽書陶鑄士林用燭董蜀學政丁丑黃河淤阻運  
事孔艱遣大臣經畧用燭參漕務三仕急矣至塞上命而成  
先志負無可言者登斯樓也馳北闕而夢南山矣何樂為客  
退而周覽四顧景光陸離有如客言憶昭明擅文選之著仲  
宣興故土之懷希文多憂樂之感叔偉望駕鶴之賓其樓張  
楚而四子異淙矣不穀有忠孝之思乎將樂斯樓而老焉此  
聖主之恩也先大夫  
之遺也書作樓記

仙女臺在州西二十餘里杜家院舊志據輿地紀勝言范旣

漢交卽鄭交甫過漢皋遇二女贈佩珠處雍正通志在州西  
四十里童承敘曰按襄陽志有解佩渚安陸志有漢皋亭皆  
鄭交甫事未知孰是現查左家腦後半里許有台高丈餘其上有仙山

古寺寺前左右有井二水極清相傳當日修廟時材木俱自

沔陽州志卷三古蹟坊表附三

右井出至今新廟佛殿後枕仍其遺物廟內古鐘係明嘉靖

二十六年承天府沔陽州信宦童時等鑄國朝張錫穀募

山不在高有仙則名沔西奠石湖仙女臺邑志引列仙傳謂  
卽鄭交甫遇仙女解佩處余定記其洞中借器及采桑得名  
諸靈異夫襄陽解佩之渚安陸漢皋之亭古蹟並存第弗深  
考怪奇之說又無足置辨然余聞茲臺三面濱湖水漲則浮  
如荆郡之地脉然是其果有靈也將地脉所係與且高廣多  
石樹陰茂客象有類於舞雩居斯土者既可恃為捍備而遠  
近文人韻士值風浴之天暢登高臺之興詩酒賡酬能無憩息  
若乃官司訪俗拾級造巔瞻高臺之未頽問棲息其何所數  
典不忘亦吾沔人之所當加意者也族弟繡堂不佞佛而甚  
好古有僧照徹介以謁余謀募新其舊刹余以卽仙卽佛二  
女如果有靈當亦在散花之列茲廟重新而後吾知佩垂  
瓔珞珠現牟尼其吐慈雲以蔭檀越宜何如者乎是為疏

清薰臺在漢廣村舊名清軍舊志

五樂臺在州東北舊志云在古州城東北案輿地紀勝云在

舊志云在古州城東北此舊志所本相傳楚王



出獵之所雍  
正通志同

丞相臺在小獅娘院前明胡美故居也臺高數尺周廣數十丈殘碑斷礎猶有存者樹林茂密遠望蔥鬱臺北數十武為接旨坡

梳洗臺在古城東相傳陳友諒妝臺至今瓦礫間時出金銀大者如瓜子小者如米粟每春雨後或有拾者

康家臺相傳為康茂才故居在雲潭里褚小院按康茂才係蘄州人或僑寓於此亦未可知

祈雨臺在廣一畝形如覆孟天旱禱雨輒應

迎春亭在仁風門外三里許三官廟前為每歲司牧暨都人

沔陽州志卷三古蹟坊表附西

士迎春所

聯璧亭湛虛亭在蓮花池左知州郭僑建今俱廢

長慶亭在江北今廢明陳文燭長慶亭記陳子得片石像五

為日觀西為蓮花中為太室平生浪遊之志半矣方思畢焉

臥遊神遊適茲丘耳向長禽慶吾其斯人之徒與匾其亭曰

止水亭在州西四里官路中明牧郭僑建久圯國朝閔璽

重修名接官亭旋廢今復建易名和豐王冕南記攷舊志明

郭僑建止水亭於茲厥後官司出入河干必由之俗亦呼接

官亭道光中棟瓦僅存誌載驛道題額剝蝕幾盡後圯久矣

邇者鄉人僉謀修以名問予曰昔名止水蓋當日百石湖漭

濛浩淼波臣無安止意於隄岸轟一亭以界之耳今則膏腴

繡錯咸食民和年豐之福錫以和豐良宜維願井里親睦以

人和召天和歲歲豐穰是吾人之幸抑亦官斯土者所樂聞



也眾皆欣然從之

### 四并亭

### 六合亭

### 借山亭

以上三亭均在南紀門外明按察使陳柏建今俱廢

### 芝英亭在江北今廢

明陳文燭芝英亭記小子侍先君論字學公曰汝知芝英體乎小子曰世稱歐

陽詢有楷書張伯英為草聖李斯入篆室虞世南隸戈法也盛乎鑠乎各立後世公曰漢時陳遵稱篆書之祖芝英蓋其體云每書一出坐上皆驚人稱陳驚坐且六國爭戰潛為符信書各異體而芝英其一也乃秦燔滅之漢武帝殿前產靈芝三本歌芝房之曲而述芝英之書根漫漶莫傳耳小子曰孟堅最善孟公所稱愛容則投轄於井尺牘則以人為珍使匈奴則單于大奇之有列侯誤傳為遵者坐中震動既至而非號曰驚坐或謂其談遠而書未見稱也茲異聞也班史逸之何啻珍珠船耶後蘇阡產芝數本先君草瑞芝賦小子請建芝英亭先君笑曰汝異時自為之偶新一亭因憶孟公高

### 沔陽州志

### 卷三

### 古蹟

坊表附

### 五

妙先君博雅涉然千古矣遂記之而名其亭曰芝英

民樂亭即八角亭在仁風門外久廢

春雨亭在新隄乾隆年間州同楊和勸農所

鑒心亭在報恩寺山門內明隆慶二年邑人李希白建

詳列女志

迎恩亭在漢津驛東宣德四年建今廢

雍正通志在州東門外紅花隄上宣德三

年建似即迎恩樓

旌善亭在漢廣門外內有邱思賢妻費氏邱容妻李氏左祥

妻朱氏左祐妻石氏四節婦碑在焉明正德中立

廢亭今

烈婦亭為余國瑛妻楊氏立知州高廷鑑勒碑記其事

雲章閣在州學內今廢



寶香閣在州治內明一統志宋韓通建後改名湖山堂一統志

見南閣在州北二里許陳氏園今廢歸有光記嘉靖十九年

隱公之門其後十年河州陳先生為文隱公所取進士余為

公所知公時時向人道之先生由是知余無從得而見也其

後十五年先生以山西按察副使罷歸家居久之而余始與

先生之子文燭玉叔同舉進士在內廷遙見相呼問姓名甚

權知先生家庭父子間道余也因與之往來論文益相契問

屬余記其所居見南閣者先生家在雲夢間而河江漢二水

繞之先生於其所居為花園中為小國河之盛可眺也蓋取

陶靖節悠然見南山之語以為名每與玉叔讀書論道之暇

攜之登樓遠覽而河去南江諸峯絕遠實無所見姑以寄其

悠然之意而已一日天新霽清淨無雲與玉叔凭欄忽見諸

峯擁出樓觀層疊崢嶸靚麗久之而後散而實非江南諸山

也余聞登州有海市而史稱衛州城既徙而故時城堞樓櫓

浮屠之影皆於日中見之神理變幻不可知夫海旁蜃氣象

樓臺廣野氣象宮闕雲氣各象其山川殆有是耶登舟海市

出於春夏而東坡以歲晚禱海神一日而見之賦詩以自喜

云重樓翠阜出霜曉異事驚倒百歲翁又云朝陽太守南海

河陽州志卷三古蹟坊表附夫

歸喜見石廩推祝融今之所見又非海市石廩比也先生父

子必能賦之余與陳氏兩世師門之誼又重以玉叔之情且

又因以自通於先生而為之說

江峰閣在新堤乾隆年間州同楊和建

宣化堂州學內宋時建今廢

補山堂在新隄明季長沙郭都賢隱居於此所築詳流寓志

修補山堂碑記古之人有事於山曰移曰學曰為未有曰補

者補山始益陽些菴郭公補補山堂則今吾河和亭劉君郭

公名都賢字天門天啓壬戌進士巡撫江西晚棄官出家流

寓河南新隄之沙灣十六載蓋以司馬而自署頭陀者也嘗

題其門曰獨樹老夫家開戶而望悠然有見顧此間無片石

大江中隔山不可移時則補以顏其堂且居且詠屬和者多

一時知名士攷堂之成以順治癸巳公歸其里也以康熙戊

申越庚戌河刺史朱公作賓為之立石肖公像者則游先生

世鳳而胡先生維宗羅先生煥並贊頌以永之百餘年來土

阜頽草堂毀過其墟者不勝成虧之感矣余年弱冠授徒廖



氏讀所鈔補山堂刻石一冊穆然發思古之幽情問郭公之  
堂則父老指尋斷碑於荒榛平隴間字漫滅不可讀未嘗不  
喟然歎補其所補之有待於後之人而未敢必也閱今四十  
載歸自黔中過茅江登江峯閣曩所吟濤聲迴赤壁山勢鎖  
黃蓬猶在耳目前也下尋勝蹟見有亭翼然曰春雨其右有  
阜屹然堂奐然曰補山老僧練江者為余方外舊詩朋告言  
和亭主人既以別駕楊公之勸耕不可忘為新其亭更以司  
馬郭公之勸學不可忘為補其山若堂俄而主人來晤話舊  
問寒暄外自言補之有深意屬為作記於是余有說焉夫人  
之身其重如山其心性之靜也亦如山惟山重且靜故於物  
無不載惟人身心重且靜故於理無不賅自夫習染而性漓  
理失而心放則在乎學以易而復之能易視聽之蔽塞而復  
其聰明易持行之佻慢而復其恭重則五事之缺者補能易  
驕奢淫佚而復於君義臣行父慈子孝兄愛弟敬則五倫之  
虧者補能易欲害人類穿窬之心而復其惻隱羞惡辭讓是  
非之心之所固有則五常之漸滅者補深惟郭公之意以為  
山譬為學必矢愚公之志勿虧一簣之功而和亭氏又鄰補  
山於春雨意在篤禮義之耕耘還本初之面目必登斯堂循  
名責實以格致補益見聞以省察克治涵養培性天而化氣  
質夫然故處為正士不卑其基於家及鄰有補焉出為賢臣  
然哉不然哉

河陽州志

卷三

古蹟

坊表附

七

必崇其積於大學治平之道所補更非小矣若乃勤土木侈  
觀游張地勢之崢嶸供詞人之吟眺謂補補山堂者用心若  
是淺且狹也不  
煉丹曰在香山頂古鍾靈寺座下傳為許葛張三仙煉丹處  
西巖仙人洞在香山西巖多古石峭立大者高五六尺小亦  
三四尺上有男女禽獸跡如印泥又有四石層累丈餘若閉  
戶狀相傳為仙人洞

白猿廟郡國志云河陽有白猿廟即楚平王獲白猿於此立

廟

寰宇記

東城鐵釜大數圍相傳為偽漢陳友諒故物

輿地紀勝所載復州古蹟如雲觀夢野凝香綠陰瑞露南



亭西亭北亭雁橋鴻軒養心齋白鶴寺綠波亭鏡會亭延賓亭紫陽觀南湖書院皮陸讀書堂皆在今天門緣是時復州治景陵也理宗端平三年復州景陵移至沔陽鎮而紀勝之作則始甯宗嘉定十四年訖理宗時成書其所采方輿志必在其前故知紀勝所稱復州與今沔陽無涉也

### 沔陽八景

五峰山色

江北城址陳廷尉栽柏百千於上森蔚可觀又壘奇石為五山以像五岳

三澨波光

詳地輿志三澨考三澨不在沔姑存舊說

滄浪漁唱

詳地理志滄浪考

柳口樵歌

柳口在城南十二里有樵歌樓今廢

## 沔陽州志

### 卷三

#### 古蹟

坊表附

六

丙穴釣秋

左思蜀都賦注丙穴在漢中沔陽縣北此景未免附會因舊志相沿已久姑存之

荆樓玩月

荆樓舊在南門城樓今廢

東沼紅蓮

詳前蓮花池

西城古柏

詳建置志武侯祠

### 黃蓬十二景

蒲澥朝陽

香山秋桂

松林鬱秀

烏林夕照

古城喬木

蓬湖春漲

雙洲鷗鷺

蓮院薰風

北村烟樹

南江橫練

靈福晨鐘

崇鳴古柏

楚王庄在沙湖鎮

明陳文燭碑記沙湖鎮蓋有楚王庄高皇帝所賜也高皇帝大定宇縣昭王封國有

銅鼓五開散毛等峒未服昭王奉命討之諸域響應高皇帝嘉乃績慶以地遠益武漢黃德等處而沙鎮其一也肅皇帝



朝僉憲柯公清淤田而奸民混府田概爲京課歲不輸納穆  
皇帝朝恭王奏冲藩不造等事奉欽依行勘爭執靡定而恭  
王薨聖天子御極九年而今王受封時奉明旨清丈海內土  
田長史劉公某典賢正郭公某典服劉公某啓王而白於當  
路巡撫都御史陳公巡按御史錢公分守參議李公分巡憲  
副曹公承天知府劉公沔陽知州史公祇念藩服加意封土  
乃委檢校於君某州判朱君某會同典寶劉君某清丈焉共  
得田九萬四千三百三十八畝有零且解京水稞原額五百  
四十兩業民告困止納二百四十餘兩而五百原數悉出於  
新丈之田矣所課之外有餘田二萬三千三百七十畝并太  
陽等七處海船窩基地九十七間悉屬王府刑束壤制可張  
楚也典服劉君輩具圖以獻王曰高帝遺澤皇上洪恩諸公  
廉明爾等勞勤與楚共載劉君奉王命而請余文余聞反裘  
而芻者毛落絕流而漁者澤竭薄歛而仁者國富自茲黔首  
永乃家乎惟帝敦睦惟王展親江漢朝宗於海矣幸爲謝楚  
王王得余言而善之且曰楚國無以爲寶惟善以爲寶可勒  
諸石俾萬  
世無斃

沔陽州志

卷三

古蹟

坊表附

九



附坊表

澄清坊 在臬司東

敷政坊 在藩司西

承流坊 在州東

宣化坊 在州西

啟文坊 在學西舊為育賢

儲俊坊 在學東舊為泮宮以上二坊俱正德甲戌知州徐咸改作俱廢

進士坊 四 一為李瑄立 一為邵暹立 一為劉鈺立 一為童旭立

折桂坊 在迎恩亭東為王偉立

世科坊 在黃蓬為劉深立

河陽州志 卷三 古蹟 附坊表

登雲坊 二 一為劉琢立 一為陳勛立

文英坊 為黃金立

觀光坊 為李敏立

利賓坊 為余忠立

登瀛坊 在漕河為章賓立

步蟾坊 在江北為平璉里立

梯雲坊 在上關

雙桂坊 在江北為李琮立

青雲坊 在奠石湖為鄧禴立

繼芳坊 在江北為平圻立



登俊坊在東門內  
為邵福立

世美坊在學前  
為王邦霖立

解元坊在中衢南  
為吳濬立

飛黃坊在小北門  
為王瑞立

登庸坊在漢津驛前  
為童旭立

以上諸坊俱廢

青雲坊黃甲坊在學  
左右

青雲聯步坊在學西  
為陳中立

漢津橋二坊在州北  
俱知州史自上修

桂史坊在紅花隄  
為胡彥立

沔陽州志 卷三 古蹟 附坊表

西臺持憲坊在東門外  
為胡彥立

神道坊在下江北  
為胡彥立

科第傳芳坊在東門內  
為邵凱立

恩光奔世坊為陳  
勉立

義民坊天順二年陳勉輸  
粟賑饑奉旨旌表

科甲傳芳坊為陳汝璧立  
以上二坊俱在布政司前

漢陰特贈坊為陳  
泮立

海岱循良坊為陳  
勛立

三關兵憲坊為陳柏立  
以上四坊在十字街

父子臬司坊在關帝廟巷  
為陳柏及子文燭立



七蜀文宗坊為陳文燭立

青雲接武黃甲傳方坊在江北為陳文燭及子汝璧立

世恩堂坊在東門城內為陳汝璧立

八世金紫坊在城隍廟巷為陳居業立

解元進士坊在州東

文命新恩武勛世澤坊在州西為傅頤立

玉堂青瑣坊在紅花隄為費尙伊立

蘭省清階坊在紅花隄為陳汝璧立

方岳代天河山盟國坊在州前明萬曆間為沈正隆立董其昌書

關西夫子坊在小十字街為錢天錫立

沔陽州志 卷三 古蹟 附坊表

國朝

謝載位孝子坊在校士館右乾隆二年立

魏之瑛孝子坊在七里城

魏彥祚百歲坊在七里城

貞烈節孝坊俱見列女志



古墓 義塚附

昔者比干之墓就封柳季之壠禁樵其清風亮節百世而下過其墟者猶躑躅流連不忍去若夫牧豎之所歌吟而上下狐狸之所穴藏而出沒者非蒿里叢葬處耶由是觀之賢人高士不獨有以榮其生而又能庇其死也沒世無稱君子所疾不信然歟志古墓

陳友諒祖墓在黃蓬山北

河南右布政使司虞信墓在江北

考功郎中歐陽謙墓在中篙嶺 通志

禮部郎中邵暹墓在漢廣門內

沔陽州志 卷三 古墓 義塚附 三

都護高本墓在百石院

青州府知府陳勛墓在江北 會孫文燭有墓表

處州府知府劉鈺墓在浮圖院

桂林府知府童旭墓在峭板村

左春坊左庶子兼翰林院侍講童承敘墓在漢廣門外 世宗

文嘉靖二十三年歲次甲辰十二月乙丑朔二十二日丙戌皇帝遣湖廣等處承宣布政使司分守荆西道右參議戴邦正諭祭左春坊左庶子兼翰林院侍講童承敘曰爾以明敏之資該博之學甲科振美翰苑蜚英史局分曹編摩彌謹經緯進講啓沃良多歷任成均儒師得體屢持文柄藻鑑式精載晉官坊仍兼殿講久勤侍從茂績賢勞嚮用方殷頃俞乞假壽未滿德用不竟才遽報訃音良切悼惜特超常典遣祭有儀靈爽如存尙其歆服

副使吳欽墓在岳廟



池州府知府王頤墓在楚家院

戶部尙書傅頤墓在相見灣

明萬曆四年遣湖廣等處承宣布政分守荆西道右參議王旋

祭之其文曰惟卿發自制科試之縣令晉登郎署簡列銓曹偶因一蹶之遭遂歷諸艱之試洊置數任而聲名益起遲回兩都而操履惟堅久居卿佐之班爰正部曹之位據其既出復去之迹尤有難進易退之風甫遂歸休倏聞淪沒茲從疏請特霽恤恩靈爽有知尙其歆服

山西副使陳柏墓在江北蘇阡

吳國倫撰墓誌銘

廷尉陳文燭墓在石家院

通志院作港

封給事中費得智墓在營坊院

陝西按察使僉事費尙伊墓在麻港

散人費中權墓在麻港場後

沔陽州志

卷三

古墓

義塚附

三

高家墳在毛范院高家廟前相傳爲高懷德之墓

都察院沈正隆墓在雲潭里王家嶺

巡撫錢天錫墓在剝河

臨高縣知縣劉承謨墓在□□里

譚進士墓在曹家院□嶺

舊志有鍾繇馬超墓按繇仕魏封崇高鄉侯明帝立又封定陵侯太和四年卒馬超仕蜀領涼州牧封殽鄉侯章武二年卒二人一仕魏一仕蜀何因有墓在沔故今佚之而附說於此

劉忠肅墓在黃蓬山俗呼丞相塚

宋景定元年葬



檢討劉琢墓在香山東劉家龜山前知州王崇義題碑

進士劉深墓在松林山

處士劉元剛墓在松林山

明陳文燭誌銘劉處士蓋里中長者處士雅好詩屬余敘其詩又屬

余銘其墓今沒八年矣其子完持費進士以明狀來請余處士視費子與余厚矧有平生之言乎按狀而次焉處士諱元剛字崇正年三十有一目號一明子浙之金華人詳家譜中元時有元八公者遷沔黃蓬山遂世家焉曾祖琢任國子監助教授翰林院檢討祖深以進士尹陳留有直聲仲子文昌生處士一歲遂棄世而處士孤矣稍長進士公名曰元罡而處士性復剛介其兄學正公元慶恐其太剛則折也更為剛常之剛處士年六七歲意氣翩翩自許獨以家貧棄舉子業好讀古書又好讀杜詩如子美七律一能口誦在余耳云時往來黃蓬山中獎善嫉惡與物多忤處士作剛說亦自道之性最孝友嘗著劉氏譜自成一家之乘家大人按察公愛而序焉進士公有善政祀陳留處士持名宦錄上於郡太守狀而賢之請入鄉賢處士以為大快有從兄元熙弱而貧處士置田與種子其二子有姊適王者與處士異母孀居而貧

沔陽州志

卷三

古墓

義塚附

三

相去百餘里歲每走視之輒流涕終日又黃蓬俗多爭處士曉以道義多所敬畏村中語曰劉霹靂難當耳鄉人趙憲者易衣入官投金於袖遂遠衣處士持金歸趙趙甚德之配趙氏有婦德相與教子讀書終其身嗟處士一布衣耳乃能修牒永祀有光於先不忝名家子即古人義田卻金如達之所為吾度處士真易事哉處士生宏治某年月日卒隆慶某年月日葬戊辰某月日墓在黃蓬松林山從檢討公葬處男三人完案憲完有美才貢於鄉所著漫興稿余業品之矣茲特志行銘焉銘曰敦爾樸世爾族藏爾玉蓬之麓

參政蕭遍墓在燕子窩

明陳文燭誌銘班孟堅傳循吏言儒者通世務明習文法以經術潤飾吏

事生有榮號沒見奉祀廩廩德讓庶幾君子之風者蓋廉平吏云吾友蕭君其人也君諱遍字文明別號南紀有兄曰近曰迎貢為博士齊名以狀寓書曰吾子與弟同舉嘉靖乙丑進士繼官漕儲身後而結兒女姻非吾子誰銘也概觀平生古稱循良吏乎而功用未起令人掩涕志焉按蕭蓋湖廣人百戶尋隸沔衛世為沔陽人銘生斌斌生鈺鈺生龍龍生轅世有隱德而轅生霞文明之父也贈奉議大夫刑部郎中公



恂恂長者世武弁而獨好文前配張宜人生子一繼配湯宜  
人生子五其生文明得異夢雙目炯炯有神識者奇之每讀  
書一目數行下年十六補郡校弟子日夜發憤不佞與兩兄  
結文會交甚驩一日見其文若傾河湧泉目兩兄曰似勝爾  
耶兩兄不肯下乃曰吾子於弟談何容易鼓掌者久之歲辛  
酉年二十舉於鄉歸娶李鎮撫女文明少俊得志而婚里中  
人榮之歲乙丑年二十三試南宮大宗伯汪公鏗奇為高等  
廷試後一日聞宜人之訃文明出都南向而泣十八日走三  
十里以歸若不知傳臚消息者奉議公方抱恙文明哀毀兼  
侍湯藥五月而奉議公逝矣十佳城以葬竭力送終不累諸  
兄弟而諸兄弟得肆其力於文章文明真孝友人也歲戊辰  
起復補刑部主事文明加意官箴國朝律例習而通之大司  
寇有疑獄必問蕭郎能酌情法而用之轉廣東司郎中舊例  
本司持錦衣獄有都督陸炳者肅皇帝寵臣也死已久會言  
者謂炳竊公家權以肥私室穆皇帝籍其家文明據法無所  
撓閉門七日而招成法司上之先時其子夜持千金入文明  
宅文明曰爾獲罪朝廷輕重法爾金何為哉執其人與金送  
之法司一時周事者吐舌曰蕭郎卻暮夜金即古人何讓焉  
譽滿巖廊而文明素清苦飯脫粟衣布袍而已歲辛未三載  
考績得贈奉議公兩母太宜人封妻李宜人明年當恤刑而

沔陽州志

卷三

古墓

義塚附

美

浙江大省多疑獄當事者謂文明可往文明周旋十一郡平  
活者三百人大冢宰楊公溥見其疏草奇為大用才歲甲戌  
陞廣東廣州府知府廣州饒貨財在會城下官事鞅掌文明  
迎刃解之有餘清苦如郎時毫髮無取十六州縣吏望風屏  
跡去之曰士民遮道泣馬大司馬浚公雲翼鎮兩廣奇為異  
等歲丁丑擢江西按察司副使兵備九江俗健訟舟車孔道  
文明靜以治之一路便焉歲庚辰擢江西參政明年改山東  
左參政奉勅專管漕務理刑新革兼攝其事文奏盈前應無  
倦色凌公又督漕淮上得文明如增一右臂尋開新河告成  
之日今皇帝賜白金陞俸一級蓋異數云無何文明抱病終  
於淮距生辛丑年某月日卒壬午年某月日春秋四十二墓  
在沔燕窩其葬不從奉議者非公兄弟意也配李氏封宜  
人子俱起家經術文明用高第令兩尊人被國寵命身食其報  
矣文明長身玉立與人磊磊落落如青天白日性喜奕喜飲  
每與諸兄弟及朋儕飲無不霑醉人人以為親已所至平易  
近民得而尸祝無論江淮即廣州之政列於黃次公龔少卿  
諸人無愧色者奈何不上壽哉竊謂文明廉平吏可銘也銘  
曰武胄洪伐維沔之陽魏科顯仕維家之祥寵命再錫爾先  
爾光遺經有託爾後爾昌草木撫撫江漢洋洋名窩燕子高



岡鳳翔勒爾貞石同心孔  
傷表爾幽宅萬禩斯藏

### 昭信王將軍墓在松林山

邑人傳卓然碑記余觀明代靖

者歸咎削藩起衅過矣燕王招致異人術士蓄志不軌即不  
削奪亦未必不反方其來朝行皇道入登陛不拜其逆可觀  
矣獨惜建文仁而非智不聽卓敬之奏早絕禍本致方侍講  
鐵尚書諸臣飲痛以死九族十族俱罹其辜為可悲耳雖然  
為燕王者親則叔父義繫人臣以周公輔成王律之豈能逃  
萬世之口實乃不自引咎反加怒一時忠臣義士恣意殺戮  
亦獨何哉乾隆王子夏烏林會應祥先生館於近里涂氏請  
乩有神王將軍父子者自謂燕王部將王起兵犯闕父子義  
不可率兵五百八十人逃至此燕追殺之館基下其骨骸在  
焉有銅鎚二在大樹底刀一在應祥床下已而掘之果然應  
祥為文弔之神復降乩嘉應祥且命居停涂毀牆出其墓塗  
不從後屋毀墓遂出余生也晚不及與其事得應祥所為文  
者讀之蒼茫悲狀未嘗不慨想將軍父子之忠更有難於同  
時殉節者何也方鐵諸君子身為建文臣其勢原與燕王抗  
若將軍父子委身燕王不乘機勸進博取卿相如僧道衍輩  
足矣乃大義激昂去而弗顧遭時不利父子遇害近世以來

### 泗陽州志

#### 卷三

#### 古墓

附義塚

三

可多觀哉或曰古人臣植節敦倫鮮不垂諸汗簡今以鬼神  
荒渺之言亦何足據余曰否否顯微闡幽者論古之責也比  
例參觀者衡人之道也昔蕭道成方篡宋裴顛痛其惡挂冠  
徑出卒為道成所殺非其明徵與即如景清死建文難剝皮  
實草繫於長安燕王過之忽索斷行為犯駕狀已而入殿為  
厲彼獨非鬼道乎夫人生而為英死而為靈其必有不依形  
而立不恃力而行浩然塞天地貫日月歷千百年而不容泯  
滅者也如將軍父子者又何疑焉抑吾思之將軍父子之逃  
也其將隱乎奔赴建文乎隱必不率部曲其意已昭然若揭  
自燕適金陵吾泗非當其衝又胡為遇追兵而死於此也當  
日燕王將起兵張昺謝貴受建文密命已先發集兵署守王  
城王窘託疾不出猶然柙中虎耳會朝廷遣人逮燕府官校  
王偽召昺貴入與械去遂斬二人葛長史彭指揮亦被殺將  
軍父子身在燕王府何不聞陰通一語而坐令墮其計以誤  
國也或者先此而逃耶抑其勢有難合耶使其身附昺貴道  
達奸謀悉心防禦兵一日不撤王一日不敢逞即或逞矣借  
昺貴諸人背城一戰幸而勝烏知燕王不辱於俘不幸而敗  
就死沙場以明忠君報國之心又烏知史册煌煌不與殉節  
諸臣同垂千古何至湮於蔓草荒烟庸人孺子蹂其塚土也  
嗚呼傷已余悲其志節之不可沒嘗與諸同社謀斂金買其



死所而封之又以土人阻不果一夕集趙炳南茂才家將軍復降亂詢其名諱宗其子諱天義問何以逃云君臣大義彼篡逆事安可從嗟呼靖難之事去今已數百年矣其間富貴功名得志之流當時則榮沒則已焉者何可勝數即赫赫如燕王亦忽焉不知消歸何地而將軍父子獨生氣凜然歷久常存足與方鐵諸君子爭光豈得以文獻無徵少之哉爰立石以表之庶共知將軍父子死有關於各教綱常之大如此焉耳

處士九子墓在沙鎮黃墩嶺邑人徐化龍九子墓記古之豪傑必有不可磨滅於世者而後

里居傳姓氏傳諡傳名傳明季有九子墳者葬黃墩嶺百餘年矣寂然無傳嗚呼豈生無益於時死無聞於後耶不然何其宜傳而不傳也辛丑秋子與竟陵熊子士鵬遊於荒煙蔓草中得古塚殘碑熟視之乃明處士也熊子曾序之僅得大略余訪之父老或曰處士者明臣也知國祚已移天命難挽由燕歷楚匿跡鎮東廟所遂餓且死里人瘞於鎮北恐久漸滅立碑誌焉噫里人之意善矣惜不詳其姓字也然安知非姓氏難知之日而以處士概之耶或曰九子墳者吾鄉楊氏祖塋也或又曰熊宅之印墟也疑信相參俱不可考噫處士之墓幾成疑冢矣壬寅友維馮君同遊其地楊與熊墓各得

泗陽州志卷三 古墓 義塚附

實據向之疑者今則真為九子墳矣微馮君確而辨之九子之墓終隱而不傳矣夫九子之得傳者恃此墓而九子之隱而不傳者大可悲也彼身為朝臣吾安知功業不著廊廟文章不示來學而姓氏茫然余安得於明季諸賢歷歷而識之耶且夫姓氏者揚名顯親而傳後世者也古之人凡執一事必著其名如周禮所載裘氏鍾氏伊者氏司馬氏用以為官者後遂以為氏九子當日者或為百司執事或為公卿大夫當必有在而竊不解他鄉異域捐軀命隱氏族甘心窮餓而不悔也噫人以不隱而名滅九子以隱而名傳此閱歷之深者能辨之而何煩子之瑣瑣也哉爰作歌曰青苔自楊兮雲密雨霏哲人日遠兮誰云人往而風微壯心常在兮生同朝而死相依雲逝齊驅兮豈隨野馬塵埃之幻應跨鶴以來歸柯太素墓在沔東口口誌銘夫士立不朽之名必有不朽之業可富可貴可貧可賤可生可死久而彌芳遠而彌光良有以也太素先生者吾鄉才人也英敏力學壯遊泮水開門授業生徒寂寥而待哺者眾晏如也凡山川草木蟲魚鳥獸古今之可歌可喜者往往形諸歌詠借以發其生平豪邁之氣脫以其叶之音律者奏於伶人樂士以頌揚之而數奇不遇竟以一衿終老先生之於時可謂窮矣夫



下里之調應者彌多陽春之曲和者自寡宜乎朱不及紫雅不如鄭而伏巢之鴻鵠難與飛鳴之燕雀爭高下矣抑嘗聞先生性嗜酒家貧不能常得親舊召之飲輒醉或與知文者講論連夕數斗之間甌幾易當時名流如吾河秦彥倫昆季朱松濤申挈菴段敦古皆傾蓋訂交王□□戴□□兩孝廉孫□□胡□□兩太史亦出先生之門衣鉢相傳至今不衰子瞻云不待生而存不隨死而亡者其先生之謂乎嗚呼是可傳也已先生諱□□生於某年月日卒於某年月日年□十□歲配□氏子□□銘曰嶽降河東鴻才碩德閭苑之仙釣鼈之客才埒青蓮酒吞彭澤無一夫田有非常厄庸人孺子笑公古拙萬冢衣冠到今誰說我有清酒獨向公酌遙印心源來饗來格

明者英北山梁公墓在恩高院蕭隄口光緒十三年恩高隄遺此塚屹立封碑宛然右勒明萬曆辛卯孟夏月五日中勒故耆英北山梁公之墓末勒賜進士出身雲南道監察御史餘字多磨滅

明處士童星墓在渣潭里彭家山彭氏祖塋所在也同治二

年水泛冲墳成陷陷中古棺半露誌銘存焉土人啟視碑字

泗陽州志

卷三 古墓 義塚附 完

完成為明處士童星之墓星字北垣係州儒學鄧陽篆文教

授劉泰篆蓋

處士李某墓閔耀牲記舊時仙桃鎮龍華寺前有殘碑上書明故處士李某之墓餘字爛斷不可復識亦不詳其官闕鄉貫父老相傳啟頽時處士避黨人之禍流寓茲土自稱李某處士沒邑人高其誼揭碑以傳迄今二百餘載片石猶存

原任襄陽府掌穀城縣事陳士元墓在通城梅家塌福建莆田人字

方青康熙三年葬

姐兒墳在徐家嶺相傳謂昔有姐終身不嫁撫兩弟成立者

其田册亦以此為名

泗陽州知州李世安墓在烏林磯赤鵠李公由明經考授安陸府參軍復授牧康



熙五十五年葬此

沔陽州知州朱化隆墓在附城田卞院化隆治沔有惠政以

郟吏議卒於沔旅櫬無歸署任張延慶為買地殯葬立碑

沔陽衛守備王芳墓在新增里鄧家院咸豐四年粵匪竄沔

芳卸篆後統兵禦賊血戰死里人葬之王冕南撰碑銘王公諱芳直隸人武進士

咸豐初任沔陽衛加都司四年春紅巾賊犯境抵郭家河距

城僅十五里勢甚蹙時公已卸篆聞警急持雌雄二鎗率兵

勇往禦之賊猝蜂擁公未及乘馬徒步戰兵勇潰芳親然大

炮以鎗擊賊賊披靡既而雨甚足陷泥淖中遂被戕死甚酷

事聞賜卹祀昭忠祠嗟呼忠義之心賦於志士不以死

生淪進退易也公當戎馬倉皇之際事權久謝即不赴敵亦

誰訾顧乃甘蹈鋒鏑欲以隻身保斗城庶萬姓卒捐軀於狹

隘之口至今過其地登孤塚一坏猶有憶見當日英武慷慨

之氣而泣下者則既為之立祠於城復豎碑碣於死所以永

於無既也宜哉爰製之銘曰王公之忠結為精星王公之義

沔陽州志

卷三

古墓

附義塚

三

貞珉同貞振我士氣卒奠完城松楸茲土奔禮德馨

兵部尙書兩江總督陸建瀛墓在淖潭里熊家墩王柏心有碑銘

福建按察使司督糧道周揆源墓在江北里機匠台雷以誠有墓表



附義塚

義塚在州城五仙鎮一沙湖一新隄一

明陳柏告義塚文辛酉之歲秋七月望日

蘇山山人陳柏敬遣寵僕偕彼道者陳飯布楮割牲酌酒詣爾義塚諸魂奠而告之曰繫昔庚申之秋洪水肆虐郡中為壑予時井陘南奔太安人之喪觀茲落漠曷勝錯愕自冬徂春積雪彌旬凍餒而死者僵屍滿闡相與枕籍知凡幾人予聞而悲之乃捐地數畝在古城之後藁以葦席掩爾身首旬日之內相聚一區今且纍纍然而墳者殆百有奇於戲悲哉少長駢集男婦雜蹂姓氏莫問孰知誰某山向未卜孰辨左右知爾靈之未妥或未免於他尤抑生前之有緣今偕聚於一坵伊今日之征戍多殞命於鋒矢豈惟遊魂之無依將不免於螻螳乃獲終於故鄉瞻桑梓之在傍雖骨月而靡他豈復勞於皇皇值中元之令節聊薄陳夫醴脯誦靈篇以解脫俾脫離於眾苦慨流離於凶歲即從古而然歎宰相率而醉飽勿為厲於茲墟

江北里長湖六畝零小新院十畝零新增里徐家院一十畝

泗陽州志

卷三

古墓

附義塚

三

零堯頭里臘湖院一十畝零黃金里劉澄院一十四畝零馬

九里中蓮院二十畝零以上六處俱州判平仁凱捐施

吳小院田四十七畝庠生吳謹捐施

沙鎮西田七畝戚

捐施

沙鎮院田八畝有奇鎮民羅劉戚吳等捐施

戚天植碑記月令孟

春掩骼埋胔唐宋以來州縣設立漏澤園此皆澤及泉壤之仁政也沙鎮義塚不下數百惟年久葬滿無地可容或掘朽骨埋之而別為新阡於其地或於義地內取土築墳漸圻成窰旋葬而旋暴馬先儒林公素敢任郵嘉慶癸酉捐鎮西膏腴七畝俾遠近無力營厝者得以掩埋沙司羅少府勘詳立案本州黃刺史刊碑垂禁迄今十有餘年道光辛卯洪水肆虐全沔皆沒而沙鎮尤為巨壑災黎既眾流離亦多繼以瘟疫傳染餓殍相屬席捲而置樹巔者有之一坎數屍而以坏土掩覆者有之過其地者輒為慨然余友羅上舍五峯劉上舍春泉首倡捐費吾叔贈文林卧雲公與余並捐阡田又慮



枕骸遍野葬地狹隘而收埋之費無所稱貸水毀之後斗米五百卽有恒產者亦不暇自顧是爲事不竟也同志劉上舍宜園吳上舍湛園劉上舍潤田田少府襲華咸樂飲助並於鎮中募輸以濟之擬定章程聞於劉州侯爰立崇義公局每屍一口葦席二條擡夫費四十余與同人均身任其勞始於是年孟冬迄壬辰仲夏凡得阡田八畝有奇雜費二百金有奇收葬荒屍一千九百有奇若男若女若老若幼姓氏莫問里居莫卜沈於淵壑於道瘠於溝壑者不知凡幾而一旦相聚纍纍於斯邱嗚呼何其慘也諸同人恐事過時遷樵牧踐踏於上耕耨侵削於旁爰伐石判界使後世勿變而丐余詳記其事至捐資姓氏阡田界址里院畝數另泐碑陰以便後世閱考記憶云爾

千骨塢在峯口樂勝院道光三年南江郝穴隄潰廬舍墳墓盡被沖決棺木屍骨漂流下游峯口甚多僧某收檢年餘堆積如陵募化樂勝院田畝合瘞之生員劉德崇撰文立碑名曰千骨塢自十一年後襄水淹沒十餘載塢碑俱淤里人戈

沔陽州志

卷三

古墓

附義塚

三

學華踴尋故址掘土尺餘得碑立墳十數塚以時祀之惟碑文模糊僧名剝落難辨僅存遺跡而已

新增里沙河院田二畝楊恩亮捐施

恩亮孤貧傭工

郭家河田二畝貢生徐良彥捐施

合福里河幫院田六畝零廩貢生王名標捐施

江北里鄔小院田二畝零監生王承宣捐施

江北里田一十六畝新增里二畝三分俱貢生王德安捐施

新興院田二畝徐大俊捐施

中蓮院河灘數畝庠生向葵捐施

長興院田數畝廩生向春靈廩貢生向瑞崙捐施



江北里黃字號二十餘畝程大法捐施

葉家洲田十畝貢生葉會瑤捐施

地價銀五百三十兩

院田五畝貢生羅棋捐施

張二里膏腴田四畝劉正昱捐施

馬宗里田六畝魏明德鄔程萬李登雲王用寬馬掄才李永

發同施

六人中承發倡首

榮北院田二畝儒士高桂捐施

馬八里八墩外灘水鄉升中則田三畝一分四釐五毫餉名

周大盛貢生周鴻漸捐施

馬七里劉澄河灘上田七分餉名周大盛貢生周鴻漸捐施

沔陽州志

卷三

古墓

附義塚

三

許家幫寒字號臺田四畝零從九汪梁材捐施

上達里田畝餘王徵三捐施號其地曰白骨塔

沙口高字號上田三畝五分四釐崔鶴捐施

中三里段家到左田百餘畝清軍府銜張樹蕃捐施

新增里民衛田共二十四畝邵上霖及監生邵玉瓚捐施

冊名

邵發年單名倪文通

大有院田六畝庠生劉寅倡首族中公捐

蘇小院南隄灣田二畝二分閔毓堂捐施

新增里田卞院田二畝四分韓元星元相之母袁氏捐施

南老院田四畝魏長茂捐施



南老院田二畝李硯莊捐施

南老院田五畝零向福遠捐施

陸再機吳選訓余班一劉名德李九皋許名揚皆捐置義塚  
不知其地所類誌於此

向家洲田百餘畝向其炳等捐施普濟閘北向治捐施又田

三畝零舉人向植捐施

俗名龍尾為義塚長里餘贈將軍向  
公其炳所捐厝也合向公治所捐黃閘北義塚叢塚鱗接約  
以數萬計而無主後者居其大半夫鬼猶求食聚十萬不祀  
之靈餒而無所歸以人事揆之仁人長者宜如何疚心也况  
兵燹以來死事尤多甲寅乙卯里仁口以沔治東北門戶連  
日接戰同知林天植戰沒東岸當時蜀西楚南以及監沔各  
鄉團前後陣亡者何啻千數雖白骨青蒿無從辨識而烈魂  
毅魄自足以壯河山於本朝而照耀茲土斯非吾鄉人所極  
不忘者歟丙戌仲秋以歲比豐稔爰集二三父老議將建塔

沔陽州志

卷三

古墓

附義塚

三

龍尾通祀本方義塚之靈微空其中收拾暴露之骨積而藏  
焉並擬存欵生息春秋時饗令地方保正司之其功用之貴  
一切求諸施者或曰聖人戒非其鬼而祭春秋衛遷帝邱祀  
夏后相甯俞以相之不享非衛罪止之禮大夫祭五祀士祭  
其先然考之士喪禮疾病禱於五祀鄭康成注祭法引春秋  
鬼有所歸乃不為厲謂祀司命與厲其時不著今時民家春  
秋祠司命行神山神門竈在旁是必春祠司命秋祠厲也或  
者合而祠之山即厲氏惡言厲巫祝以厲山為之謬乎竊  
按漢世去古未遠祠田有自來隱厲稱山義必有取今於  
義塚立塔通祀無主後之靈正合康成釋山為厲之義不必  
以非所祭為疑嗟嗟自像教流入中國海天茫茫而南無觀  
音西來大慈猶將希冥福於無何有之鄉若使咫尺之間纍  
纍荒塚徧街感於泉下其為福也不較大而遠乎伏望諸君  
子以供佛之力並哀殘魂以袞忠之心默喻幽隱以恤孤獨  
賑貧困之盛誼惟古禮而澤及枯骨則魏顆獲結草於前  
王祐得植槐於子公之門日以高大矣詎止勒名不朽哉也